

Tèyâte Walon

# **Bon song' ni pout minti**

Comédèye di treûs-akes

Da

**Léon FRESON et Pierre HANSEN**

SABAM

BON SONG' NI POUT MINTI.

Les personèdges :

Oscar Tosseu, Baron di H<sup>^</sup>ôtèsvègnes.....70 ans.  
Julien Tosseu, si nèveu.....35 ans.  
Suzanne Petitjean, feume da Julien .....25 ans.  
Désiré Crépin, nèveu da Oscar.....35 ans.  
Régine, feume da Désiré.....30 ans.  
Justine Crépin, seûr da Désiré.....35 ans.  
Lucien Lebosse, ome da Justine.....35 ans.  
Louwisse (Loulou), chervante à tchestê.....24 ans.  
Dgennevfire di Djulémont.....25 ans.  
Li curé d'el parotche.....;70 ans.  
Li docteur Remy .....40 ans.  
M<sup>^</sup>esse Guldenmark, notêre.....60 ans.

Li dècôr :

Li minme plèce po les treus akes : on salôn dè tchestê.

I n'arèt cwate pwètes : ine vitreye dinant so l'parc, les-ôtes so l'cou-  
hène èt les difèrintès pârteyes dè tchestê.

Meûbes èt ahèsses obligatwêres : on canapé transformåbe, on paravent,  
on "bar-comptwêre", on tèlefone, li blason dè "Hôtèsvègnes" avou l' devise :  
"Bon song' ni pout minti" .

Li resse a l'conv'nance dè mèteûr a l'sinne.

Les ôteûrs

Léon Fréson  
rue de Velroux, 4/4  
4348 Fexhe le Haut Clocher

Pierre Hansen  
rue L. de Brouckère, 25  
4320 Saint Nicolas

Reputation 5113712

Les personèdges téls qui nos les veyans.

- OSCAR : C'è-st-on vî djône-ome qu'a passé tote si veye a profiter di tos les plêzîrs. Ses ideyes sont bin aresteyes. Il adgihe tofer come s'il estas-se li mèsse di tot et d'tot l'monde. Bin qui mécrèant, c'est l'grand camarade dè curé.  
I rote avou 'ne cane et il est sins dint à prumîr-ake.
- JULIEN : Tot d'ine pèce come si mon-n-onk, c'è-st-on djoyeû gayârd. "Rôbaleû", i vint portant dè toumer so 'ne feume qu'a-st-avou mî l'touîr qui l's-ôtes et quis'a fê s'pôzer.
- SUZANNE : Ele est tôte sote di si-ome. Quand ele si mavèle sor lu, minme si s'colère est vîve, ele ritome tot fî dreû. Di manîre gènèrâle, c'è-st-ine bâcèle fwèrt douce.
- DESIRE : C'è-st-on tot bon qui n'a mâye savou prinde ine dècizion. Il est gôche divint tot çou qu'il intriprind.
- REGINE : Grandiveûse, hantin-ne, ele s'a tchoûki às Hôtèsvègnes tot tûsant à tite.. et às censes. Come ele n'a polou avu Julien ele s'a continté di Dèsiré.
- JUSTINE : C'est bin l'soûr da Dèsiré mins brâmint pu réserveye. Aclèveye a l'vîle môde, ele ni vint foû di s'mohone qui po aler à docteur ou a messe.
- LUCIEN : C'est l'type minme dè charlatan. Come Régine, il a fê on mariage di rêzon.
- LOULOU : Brâve pitite kimère qui n'laîche rin d'el veye et qui vîreût bin fé come tot l'monde. On veut d'on còp qu'ele n'a r'çu nole instruc<sup>on</sup>.
- DGENEVIRE : Djône feye instruite et d'bone éducation mins qu'inme bin dè fé veuye qu'èke est d'bone famille.
- LI CURE : Bon vikant (il assotihe dè beûre on vère), il è-st-ôtoritère et come di djusse...a dj'vâ so l'morâle. Nos l'veyans pelake et avou 'ne rodge narène qui lî prind li mitan di s'visèdge.
- LI DOCTEUR : I n'a nou toûr; il est maladrwète divins ses dgesses ou ses paroles. Il inme bin les feumes mins i piède tos ses moyens quand i d'vise avou eune di zèles.
- LI NOTRE : Vî gripe-sou, i n'vike qui po conter ses meyes. Li resse ni conte nin. Il a tofer si tchapê et s'malète, minme à treuzim<sup>e</sup>ake quand il acourrêt en pyjama.

I<sup>ir</sup> AKE.

Sinne I. DOCTEUR - LOU - OSCAR.

Quand l'teûle si lîve, li docteu<sup>r</sup> visite Oscar qu'est coûki so on canapé arindgi a lét. Oscar ni bodge pu, il est come onk qui vint dè toumer di s'maclote. Loulou est la qu'èle louke fé l'docteu<sup>r</sup>....

DOCTEUR : (rimètant ses afêres) Et vos d'hez qui moncheu l'baron a dim'nou tot vèrt...come ça d'on plin côp ?

LOULOU : Tot vèrt ! tot vèrt : dji n'sâreus pu dire à djuste savez mi. Sya portant ...mins on drole di vèrt savez. tènè, a pô près come vosse cravate

DOCTEUR : Mètans...èt wice èsteut-t-i a c'moumint la ?

LOULOU : Bin chal sùr'mint, assis sos s'lèt !

DOCTEUR : Kimint s'fève-t-i qui dwèrméve è sâlon adon qu'i n'a tant dè tchambes a tchestê ?

LOULOU : Qui voléz-v's, c'est co 'ne fougue da tonton !

DOCTEUR : Kimint d'hez-v's ?

LOULOU : Escusez-m'. Dji vous dire da moncheu l'baron.

DOCTEUR : Vos djasîs d'ine fougue...Dji v'hoûte.

LOULOU : Bin vola. dispoye treus samennes, a quéques djous près èdon, moncheu à décidé dè passer totes ses nutes chal è sâlon.

DOCTEUR : Totes ses nutes ?

LOULOU : Come dji v's-el' dit ! Fât sovint qu'moncheu s'rilîve d'el nut' vèyez-v's.

DOCTEUR : Prostate ?

LOULOU : Â! Dji n'saveus nin qu'ça s'louméve insi. Asteûre, quand dj'ârès 'ne mâle faim, dji sârès bin qu'dj'a 'ne prostate.

DOCTEUR : Oho ! Vos volez dire qui moncheu a co sovint des mâlès faims d'el nut' ?

LOULOU : Awê, èt chaque feye qui ça lî arivéve, i d'véve dihinde les monteyes pwis les r'monter èt l'minme afêre por mi. On n'a pu vint ans !

DOCTEUR : Djâsez po l'baron, mins vos, vos n'divez nin 'nn'aveûr brâmint pus'. Dji wadge minme qui vos n'avez nin 25 ans !

LOULOU : Têhîfiz-v's savez mâlureux. E nosse viêdge, i n'a qu'les coreûses qui fièstèt sinte Catrène.

DOCTEUR : Ni v'tracassez nin, vos n'risquez rin !

LOULOU : Qui l'Bon Dju v's-étinde !

DOCTEUR : (alant vèrs leye)Iv's-étind..i v's-a-st-étindou.

LOULOU : (si hêchant èvoye) Et si dj'continuève mi-istwère ?

DOCTEUR : Dji v's-ennè prèye.

LOULOU : Dji djaséve dè pröblinne des monteyes..Adon moncheu a fê 'ne creuh' dissas..

- DOCTEUR : Por lu todis !
- LOULOU : Nèni savez ! Moncheu a fê arindgî 'ne tchambe chal a costé d'el couhène. Dj'î a'st-abagué îr.
- DOCTEUR : Et c'est l'nut qu'a suvou qui moncheu l'Baron a-st-avou si atake...
- LOULOU : Bin qu'il a dim'nou tot vert kwè.
- DOCTEUR : Ça lî a don pris qu'il esteut assis chal. (is'assît).
- LOULOU : A pô près awè...mutwè on pô pu fwèrt tot chal...vola c'est ça !
- DOCTEUR : Et vos, wice estîz-v's ?
- LOULOU : Bin...mi,dj'esteus chal.(èle s'assît tot près dè docteur).
- DOCTEUR : Djusse come çouchal ?
- LOULOU : C'è-st-a veuye si c'est d'avant ou à moumint d'l'ataque ?
- DOCTEUR : Veyans d'abôrd divant.
- LOULOU : Et bin come ça !
- DOCTEUR : Et so l'trèvins ?
- LOULOU : Come çouchal (èt èle si lêt aler so l'docteur..pwis s'rilîve d'on plin còp tot breyant : ) Dj'enn'esteu sûre, tot çou qu'arive, c'est dim'fâte!
- DOCTEUR : Qu'est-ce qui v'fê dire ça ?
- LOULOU : Vos dimn'nez tot vèrt ossi !
- DOCTEUR : Dji comprind asteûre çou qu'a-st-arrivé à baron : hypertension gènèrâle prov'nant d'ine parfonde émotion.C'esteut "l'vert galand".
- LOULOU : (fant l'cisse qu'à compris) Ooh !
- DOCTEUR : (qui n'si ra nin co). Mamzèle, dinez-m' on pô 'ne pitite gote èt on vère d'êwe alez s'i-v'plêt.
- LOULOU : Tot dreut (ele sorteye).

SINNE II - DOCTEUR - OSCAR.

- DOCTEUR : (aprustant s'sèringue) Vola çou qu'arive quand on vout rôler à 120 avou on moteûr di 70 ans. Alê, on va arindgî ça Pèpère (i stitche Oscar). Vola ! Ca v's-espêch'rêt dè r'piter di d'chal 24 eures. (il apice li paravant et l'tchèque conte li lèt) alê, fê des bês sondges Cassanova !

SINNE III - DOCTEUR-OSCAR - LOULOU.

- LOULOU : Vola ! Dj'a pris dè cognac...et on vère d'êwe !
- DOCTEUR : (les prindant t'os les deux)Merci (i respame si sèringue è vère d'êwe).
- LOULOU : C'est por vos tos les deux parèt ? l'êwe ? ci n'est nin po Moncheu ?
- DOCTEUR : Nèni, moncheu n'a pu mèsâhe di rin !
- LOULOU : Qui volez-v's dire ?
- DOCTEUR : Rin d'ôte qui çou qu'dji n'a dit.
- LOULOU : Mins adon.....

- DOCTEUR : Adon kwè ? I m'sonle qui dj'a stu **clér**. Dji n'pou rin fé d'pus' po Moncheu l'Baron.
- LOULOU : Adon..c'est fini ?
- DOCTEUR : Kibin d'côp fâret-i v's el dire ?
- LOULOU : aaa....(ele est tote estomakeye).
- DOCTEUR : C'est fini ....c'est tot enfin ....
- LOULOU : Come ça, si vite ...
- DOCTEUR : A ces adges la, les **émôsions** c'est tot ou rin !
- LOULOU : Por lu c'esteut tot !
- DOCTEUR : Asteûre, ci n'est pu rin !
- LOULOU : (corant d'vins les bresses dè docteur) Edfz-m', dji sos mâlureûse !
- DOCTEUR : (el sitrind, el fiesteye pwis d'on plin côp el lê aler ènon fôteuye, beut s'vère èt court èvoye tot d'hant a **part**) Dj'enn'aveus mèsâhc ! Dji m'sintéve dimn'i tot vert !
- LOULOU : Djâle m'aredge ! Fâret bin prém'ni l'parintèdge : Quèle tchèdge ! Enfin..prindant corèdge ! (Et èle si mète a brêre, po fè dire, come eune qu'a stu sêzeye)/ hiiiiiiiiiiii.....Hiiiiiiiiiiiiiiii.

SINNE IV - LOULOU - JUSTINE - LUCIEN - REGINE - DESIRE.

(Justine, Lucien, Régine èt Désiré intrèt).

- JUSTINE : Qui v'prind-t-i don vos ?
- DESIRE : Qu'arive-t-i ?
- REGINE : Qui n'a-t-i ?
- LUCIEN : Et bin ?
- LOULOU : (**betchtant**) C'est l'ba..., c'est l'baba....., c'est moncheu l'baba....., c'est moncheu l'baron ....
- REGINE : Et bin kwè moncheu l'baron ?
- LOULOU : Il est mêû....il est mwêrt....
- LUCIEN : Vos nos avez fê sogne ! Nos contîs qu'i n'aveut 'n sakwè d'grâve.
- JUSTINE : **Pôve mon-monk...èvoye po tofèr...**
- DESIRE : Mwêrt...in-ome si bon !
- REGINE : I n'sufih'nin d'esse bon ! I fât esse hêti !
- JUSTINE : Mon Dju ! Il a merou sins les diennrins sacrèmint...mutwè qu'on pôreut...
- LUCIEN : ...qu'on pôreut sayî dè savu kimint qu'tot çoula s'a passé.
- JUSTINE : Awè, mins pus' rawâde-t-cn ....
- LUCIEN : Mons vite sârans-n's ine sakwè.
- JUSTINE : Mins mi-amour, on sé l'principâ.
- REGINE : Po 'ne feye a fé, Justine, dji tins avou vos. Li câse è-st-accèswère i n'a qui l'**résultat** qui **conte** nos fât parer a pu prèssé.

- DESIRE : Mins m'binameye, i nos fâ tot l'minme kinche tot les dêtayes sinon nos n'sârons kwè dire âs dgins qui vinront rinde visite.
- LUCIEN : Leyans-l' à rêze. Seyans' clêrs èt courts ! ( a Loulou) Vos estîz chal vos. Kimint a-t-i morou ?
- LOULOU : Dji n'sâreu nin v'dire savez mi. C'est l'docteûr qui m'a dit come ça : "C'est fini".
- LUCIEN : Li docteûr ? Què docteur don ?
- LOULOU : Mins l'docteûr Remy, li ci qui vint tofêr po les migrinnes da madame Justine.
- JUSTINE : Dji v's-èpreye Louwisse, ni djâsez nin d'mes migrinnes, dji m'sins 'nn'aler.
- LUCIEN : Po l'amour di Dju, ni v'mèlez nin des conversâcions des grandès dgins.
- JUSTINE : Mins mi-amour ....
- LUCIEN : Voste amour est la mins i n'a nin l'tins. Seyîz' binameye, priyîz po vos mon-n-onke loukîz la.
- REGINE : Awè, ènn'a mèsâhe.
- DESIRE : Tot çoula m'nos dit nin çou qu'a-st-èvoiyi mon-n-onke Oscar di l'ôte costé.
- LOULOU : Li docteûr a dit qu'c'esteut l'vert galand.
- LUCIEN : Livert galand ? Qui volez-v's dire ?
- LOULOU : Bin ...c'è-st-ine fwète tension mins dji n'sé pu wice !
- REGINE : Quand çoula s'a-t-i passé ?
- LOULOU : Vès les 5 eures à matin. I m'avêut houki po soulager s'prostate.
- JUSTINE : Oh !
- LOULOU : Bin kwè ? C'est tot l'minme po çoula qui nos d'vîs esse vwèsin po d'el nut, nèni ?
- REGINE : Nosse mon-n-onke n'a don nin supwerté vos swins atinsionés !
- LUCIEN : Ni d'hez rin d'ipus', dji veus l'tav'lê di d'chal.
- LOULOU : Dji n'polève tot l'minme nin leyî moncheu l'baron so s'faim ! Dj'a volou l'centinter.
- DESIRE : C'est honteu !
- JUSTINE : E-st-i Dju possible ? (ele va tot près d'Oscar èt lî mète ses mins à creuh')
- REGINE : Todis 'nn'è-st-i qu'enn'a qui v'divront leu bonêr !
- LOULOU : Dj'a fê dè mî qu'dj'a polou madame.
- LUCIEN : Et quand avez-v's houki l'docteûr ?
- LOULOU : Quand moncheu l'baron a div'nou tot reud. I m'a respondou qu'i prindève djusse li tins di s'moussî èt qu'il arivève. Fât creûre qu'il esteut tot nou ca 'l î a falou 3 eures po v'ni !

- LUCIEN : Et quand il a stu chal, qu'at-i fê ?
- LOULOU : Bin ....il a fê 'ne pikoure a moncheu..il a bu on cognac et il a 'nn' aler, mi leyant chal avou l'pôve ome.
- LUCIEN : Il a 'nn'alé sins nos rawâde ?
- LOULOU : Il a dit qu'c'esteut fini èt il a pris l'pwète.
- DESIRE : Qué mâque di prév'nance po l'famile ! Nos 'nné r'djâserans ! Et vos, pokwè 'nn'nos avez-v's nin prév'nou pu timpe ?
- LOULOU : Bin dji n'polève nin leyi l'baron tot seu et pwis dj'contève a tot moumint qui l'docteûr alève ariver.
- JUSTINE : I n'est nin co r'freudi, il est co tins de fé d'ner les dierins sacrémints <sup>li</sup>
- DESIRE : Awè ! Nos d'vrîz tûser a prév'ni l'curé.
- LUCIEN : Po l'moumint, li curé fê messe.
- REGINE : I m'sonle qu'i sèreut tins de savu qui qu'est mèsse chal ! Mon-n-onk ! Oscar nos lodgîve turtos mins asteure qui est-ce qu'è-st-amons qui ?
- DESIRE : C'est mutwè vos l'mèsse, chère barone.
- REGINE : Si ouye a l'nut', vos estez baron, li barone vis drouvrèt les pwètes di s'tchambe.
- DESIRE : (a part) Signeûr, fé quènnè seuye insi.
- LUCIEN : Mi bèle soûr a rêzon. Nos d'vans djâser d'l'éritêdge.
- REGINE : Seyans' pratiques ! Nos n'polans pu rin po nos'rigreté mon-n-onk. I fât tûser a nos-ôtes.
- JUSTINE : Mins c'est fouê conv'nances Nos d'vans d'abôrd tûser a organiser dign' mint l'ètermint da nosse mon-n-onk.
- REGINE : Nos frans bin les deus essonles. D'ayeurs, dj'estime qui c'est l'éritîr qui deut s'tcherdgi d'l'organisâcion. Insi qu'des frês d'ayeurs. Edon Désiré ?
- DESIRE : Vola 2 ans qui dj'ratind ça .
- LUCIEN : Vos estez sûr d'esse légatêre ?
- DESIRE : Mins di kwè djâsève-t-on ?
- REGINE : Di l'éritêdge sûr'mint !
- DESIRE : Oh ! mins mi, dj'intréve dèdja è vosse tchambe.
- JUSTINE : Ni tchipotans nin po prém'ni l'curé. I fât s'dispêchî.
- LUCIEN : Vos avez rêzon ! I fâ s'dispêchî mins po prém'ni l'notêre ! Li curé vinrèt après. On est sûr di rin tant qu'on n'a nin léhou l'testamint !
- REGINE : C'est djusse. I nos fât ine situâcion clére.
- JUSTINE : Li situâcion da Tonton n'sèrèt clére qu'après l'passêdge de curé !
- LUCIEN : Pwisqui vos î t'nez, qui Louisse vaye houkî l'curé.
- LOULOU : Bon moncheu. Mins moncheu, po l'mwêrt, ni fâreut-i nin prém'ni les dgins qui s'ocupèt des wahês ?



LUCIEN : Mins ....

REGINE : Awè Louisse, vos avez rêzon, mins ni d'hez nin li mwêrt èdon, dihez moncheu.

LOULOU : Bon madame, Dji va amons l'curé pwis prém'ni les croke-moncheu !

REGINE : C'est todis pé ! alez-î.

LOULOU : Dj'enne va madame (ele sorteye).

SINNE V. LES MINMES MONS LOULOU.

REGINE : Asteure qui l'curé va-t-esse prév'nou, ça n'vis dèrindge nin si nos sayans dè toucher mêsse Guldenmark?

LUCIEN : Djusse ! Les intèrèts spirituèls da nosse mon-n-cnck estant d'vins des bonès mins, nos polans nos ocuper di nos intèrèts matérièls.

JUSTINE : D'akwèrd ! Di tote manîre, mêsse Guldenmark deut esse prév'nou dè mêleûr qui nos arive.

REGINE : Désiré ! Vos-estez l'pu vî, c'è-st-a vos di v's-ocuper d'çoula !

DESIRE : Mins feifeye, dji n'sé kimint m'î prinde savez mi.

REGINE : Ni m'nez nin ce v'fé r'marker èdon. Ine foye a fé, monstrez-v's a l'hôteûr d'el situacion !

LUCIEN : Ca l'candg'rêt !

REGINE : Et bin ? Qui rawârdez-v's ?

DESIRE : Dji....dji n'kinohenin l'numèrô d'tèlèfono dè notère.

JUSTINE : (prindant on répertwère). Atindez, dji v's-el done. Vola, c'est li 36.45.27.

DESIRE : Quand fat î aler, fat î aler (i cite chaque chife tot fant l'n°)  
3.....6.....4.....5.....2.....7.

REGINE : Oyez-v's ine sakwè ?

DESIRE : Awè, dj'ètinds l'son'rèye....allo ! Qui est-ce qu'est la ?.....

Oh pardon mêsse Guldenmark ! Dihez, c'est l'baron....nèni, ci n'est nin l'baron...dji dit : c'est l'baron....ci n'est nin l'baron qui djâse, mins dji v'houke rapôrt a baron....I n'sâreut pu v'houki lu minme, il a rindou

estez l'ame...Nèni, i n'est nin d'vins. Les âmes, il a rindou l'ame, il est mort... Vos en convalescence? Ah ! vos condoléances ! merci brémint mêsse....a tote li famille ! vos

permètez dji transmète. (as ôtes) mêsse Guldenmark vis prusinte ses sincères condoléances. (a tèlèfono) li famille vis r'mercihe/mêsse.

À r'veye mêsse, merci (i racrotche) (a s'feume). Dji bin fê ça ?

REGINE : À fêt', qui li avez-v's dimandé ?

DESIRE : Dji d'veve dimandé 'ne sakwé ?

REGINE : (mâle) Rifez l'n° et contintez-v's dè repèter çou qu'dji v'dirè.

- DESIRE : (ratake si n° come torate) 3.....6.....4.....5.....2.....7..  
.....(a s'feume) Il a dit allo.
- REGINE : Répondez !
- DESIRE : (a téléfone) Répondez.
- REGINE : Allo
- DESIRE : Allo
- REGINE : Mêsse Guldenmark, ekscussez-m' dè co v'dèrindgî.
- DESIRE : Mêsse Guldenmark, eskusez-m' dè co dèrindgî...
- REGINE : Mins dj'a rouvi.....
- DESIRE : Mins ele a rouvi....euh....dj'a rouvi..
- REGINE : Tot asteure....
- DESIRE : Tot asteure...
- REGINE : dè v'pryî...kimint prusinter ça ?
- DESIRE : (d'ine trête) dè v'pryî kimint prusinter ça.
- REGINE : Dj'î sos. De v'pryî dè passer à tchestê.
- DESIRE : Dj'î sos, dè v'pryî dè passer à tchestê.
- REGINE : A fize dè fé totes les formalités testamintêres da nosse mon-n-onk.  
Bon Dju âye si-âme.
- DESIRE : A fize dè fé totes les formalités test...testamintêres da nosse mon-n-onk,  
bon Dju âye si âme(li notêre respônd surmint Désiré et ci-chal, machinâ-  
lemint répète çou qu'il ètind) Dji va -st-ariver avou l'testamint dè  
dé-cujus...a vosse chervice et a tet dreut (i racrotche).
- REGINE : C'est parfêt ! I 'nn'nos d'moêre pu qu'a rawâde trankilemint.

#### SINNE VI. LES MINMES + JULIEN.

(Julien va -st-introre. On l'veut qui bouhe à l'cuhe et qui brêt po fé dire).

JULIEN : A-t-i 'n'sakî ? C'est mi, Julien !

DESIRE : (alant po droviet) Vo-r'chal l'èfant prodigue.

REGINE : Li vagabond volez-v's dire !

JULIEN : (intrans-type dè bon vikant).

(OSCAR ATTAQUE A S'DISPIRTER).

Salut, dji sos rimnou ! awè, Julien Tossou brantche djoyeuse des Hôtèsvègues  
rôhaleus po ces chal, grand r'porter po ces la ! Julien qui ramonne divint  
ses valises li solo d'Hawaï, l'ègnotisme di l'Orient et l'pu fène . di  
totes les fênes pires, inc surprise qui dji ramon-ne dâ Brésil (Come  
nouk des ôtes ni broncheys , vola s'djoye qui r'tome et i s'mète a djâser  
manîre dè dire inc sakwè). Bin vola....vola...dji sos rimnou.  
C'est mi...Vos pèrizpol'mons m'dire bondjou ! Et vos-êtes cuzènes, vos  
n'mi bâhi nin? Fâret don bin qui dji fêsse li tour....

(et vola s' jovialité qui r'prind li d'zeûr. OSCAR HOUTE TOS EDWERMOU COU QU'JULIEN RACONTE, MA PO D'TINS, I S'PLERET BIN).

Et dj'attaque par li pu douce, li pu tinrûle et li pus-inmante di mes cuzènes, cisse chère Régine (ci-chal si lèt bâhi sins fé on plau è s'visèdge) Et vola Désiré (I s'dinet l'min) li ci qu'dji djaloseye dispoye qu'i s'a -st-acaparé li pu r'luhante des bacèles dèl n<sup>o</sup>blesse d'à èvers chal. (alant so Justine et l'rabressant). Bondjou Justine. Vos dj'a come è l'idoye qui vos avez 'n'sakî à m'prusinter !.

Voste - come ? Vosse galand ?

JUSTINE : Mi-ome.

JULIEN : (loukant Lucien) Leyîz-m' adviné. Diacro....nèni, docteur dji wadge !

LUCIEN : (setche) Erreur moncheu. Présidint directeûr gènèral des établissemints Sinsens, Lebosse et lik'pagnoye.

JULIEN : Tins, dj'aveus todis conté qui m'cuzène âreut rescontré si-ome so l'voye qui va dè cabinet dè docteur à l'église.

LUCIEN : Dji m'prusinte : Lucien Lebosse.

JULIEN : Asteûre qui dj'a veyou tot l'monde dji pous v'monstrer m'surprise.

JUSTINE : Estez-v's sûr d'avu veyou tot l'monde Julien ?

JULIEN : Tot qui qu'dji polève veyou todis. Il est trop timp' po qu'mon-n-onk Oscar rinteure di s'perminâde et n'fât-i nin qui m'surprise prinsse rêcène !

REGINE : Si moncheu l'avocât acceptève di s'têre on moumint, dji pôreus mutwè lî ekspliquer di kwè qui r'toûne.

JULIEN : Dji done li parole a ministère public !

LUCIEN : Ci n'est nin l'moumint dè volcûr balter !

JULIEN : djale m'arawe!mins vos avez turtos des tiesses d'êtêrmint !

JUSTINE : (Tchoul'tant) Nos avans simplumint des tiesses di circonstance

DESIRE : Awè Julien, vos v'la l'dienrin des Tosseu, li seûl Tosseu qui d'mane as Hôtèsvègnes! (OSCAR SI D'MANDE KWE)

JULIEN : Vos volez dire qui m'mon-n-cnck...

REGINE : Awè Julien, nos avans li r'grèt di v's'anoncî l'mwèrt da mon-n-onk Oscar (OSCAR ENNE D'MANE TOT SËSI)

JULIEN : Quand çoula s'a-t-i passé ?

REGINE : cisse nut'chal (OSCAR, COME PO 'NNE SAVU PUS' SI R'NETE COME JUSTINE L'AVEUT METOU)

JULIEN : Wice è-st-i ?

JUSTINE : Il est chal tot près d'nos-ôtes, podrî l'paravent .

JULIEN : (alant tot près dè lét) Pôve mon-n-onk va !

CHAPITRE VII - LES MINES + LOULOU.

- LOULOU :** (Intrant tote dissofleye).  
Moncheu l'curé arive divins on qwârt d'heure.  
(voyant Julien qui vint d'idjonde les ôtes) Bondjou Moncheu.
- LEONIE :** Ca va bin ! Rintrez ei couchène.
- JUSTINE :** Baw&rdedz 'ne miète. I nos f&et apruster po r'çure moncheu l'curé.
- LOULOU :** Awè madame nins dji creus qu'ine sakî qui dji n'kinche nin cwire li moncheu qu'est chal èt qui dji n'kinche nin non pu.
- MADAME :** N' a n'apouvans persone po l'moumint.
- LEONIE :** A pint li notère !
- MADAME :** Si pass&edge est mirme désiré !
- JUSTINE :** Di t&etes men&tres moncheu l'curé èrèt l'priorité. Louise, allez apruster tot çou qui f&et po dîner les diensrins sacr&emints.
- LOULOU :** Eaa madame (ele vout sorti).
- LEONIE :** Louise, w&ec, allez-v&is ?
- MADAME :** Nins madame, apruster tot çou qui f&et !
- LEONIE :** Et n' a pas çou qu'it&os d'avez prinde ?
- LOULOU :** A pt&e p&ec tous : d&e l'b&enite êve po l'pu sûr...et pwis....
- LEONIE :** Vos aprustoy&ez...-
- MADAME :** Ça li ç&af v&en&et çou tot çou qui li fat. I n'a rin a apruster.  
V&e p&ec a&ec Louise (ON SON&E).
- LOULOU :** Ça a ç&afé Madame.
- JUSTINE :** Al&ez èr&ed&ez Louise.
- LEONIE :** Ça d&e ç&af&e ç&af&e Guld&emark, f&ez l'intr&er d'on c&op !
- LOULOU :** Eaa madame...ç&af&e moncheu (sortie).

CHAPITRE VIII - LES MINES MONS LOULOU PWIS L'NOTERE.

- LOULOU :** (divint les coul&es) Intrez moncheu l'notère.
- NOTERE :** (Il int&eure. f&et des comb&etes divant Oscar, vout aler pu long, s'aperç&ut qu'i n'a nin bod&il s'it&hap&e, el boudge, f&et d'im&e tour et va r'saluer li "wert". I w&arance se&ulemint èt s'adresse à l'famille).  
Mescheu, mes sinc&eres condol&ances, M&Esdames, mes sinc&eres condol&ances.  
Dji n'w&es't&eue m'perm&ete d&e v'it&ch&et&e l'b&ondjo&u divins ces p&enip&es circons-tances...Dj'êreu d'vous dire fwerts p&enip&es circonstances qu'afliedg&et tote ins fam&ile d'ine fame&use noblesse....dj'êreu d'vous dire d'ine noblesse fwert fame&use...Nins a l'dim&ande di m'client, Bon Dju êve s&e&e, dim&ande rinov'leye par si parint&edge ossi vite qui l'm&aleur les a touch&e...dj'êreu, d'vous dire les a terass&e (OSCAR HOUTE AVOU ATIN&ION)

dji m'prusinte, apwertant les diennèes vol'tés da moncheu l'baron qui tot come vos-ôtes, ni supwertéve nin l'ideye de mète fin a l'nôbe tradision des hôtes-vègnes : Li tchestê ni pout d'mani pu d'24 eures sins propriète et li tite di baron deut esse pwerté sins ahote.

- LUCIEN : C'est fwert bin !  
REGINE : Vinans' mnè a fèt s'i-v-plôt.  
NOTERE : Vos permètez qu'dji m'assîte ?  
JUSTINE : Dji v's-èpreye mèsse.  
NOTERE : Bon ! (I hêche li testamint foû di s'malète et lèt- OSCAR , LU, S'A R'DRESSI PO HOUTER COU QUI L'NOTERE VA DIRE ET PO S'AMUSER DES REACIONS DI S'PARINTEGE).

Ci deuzinme djou de meû d'nôvinbe 1975, mi, Oscar Tosseu, baron di Hôtesvègnes, sêve et bin hêti sins nôle obligacion, a confyî a mèsse Guldenmark mes diennèes volontés.

Prûmi point : mi testamin divrèt esse léhou serlon l'tradicion des Hôtesvègnes li djou di m'pwert. Deuzinme point : dji répârtih' mes afêres personêles qui dji louke come mi pu grande ritchesse d'el manîre sùvante : a m'nèveuse Justine, li priye-l'ju di m'tchambe.

- JUSTINE : Chér Tonton.  
NOTERE : a m'nèveu Lucien : mes mémwêres intituleyees "Kimint parvini so les rins des ôtes".  
LUCIEN : Nos estans parvinois.  
NOTERE : A m'nèveu Désiré : l'édicion riloyeye plin cûr : "les feumes et l'amour" Enn' a mèsâhe !  
DESIRE : Sâf si dji sos Baron !  
NOTERE : A m'nèveuse Régine : mes botes et m'cravache. Ele sâret s'ennè chorvi !  
REGINE : I n'm'a mâye veyou voltî.  
NOTERE : A m'nèveu Julien : on conseye "Si ti vous aler lon, sipagne bin ti tch'vâ."  
REGINE : (moquâte) Ci n'est nin grand-tchwè !  
NOTERE : Treuzinme point : li tite di baron.  
DESIRE : (les ouyes a cûr) Signeûr, ni m'rouvî nin !  
NOTERE : Li tite di baron sêrèt pwerté par Julien Tosseu, asteure baron di Hôtesvègnes.  
JULIEN : (a régine) C'est djéja mî qu'on conseye !  
LUCIEN : A vos l'oneûr, a nos-ôtes les senses.  
DESIRE : ( a régine) Et les senses ni pôrît nia droviet ouye a l'nut'...  
REGINE : Prindez pacçince Désiré !

- NOTERE : Mesdames, meschous, djù d'mande li silence....Dji continowe. Qwattrinme point :li domin-noc'è-st-a dire li tchestê et tot çou qu'î atind apartin-rèt come di djusse a novê baron di Hôtèsvègnes.
- JULIEN : Cuzins, cuzènes, vos pôrez esse lodgi come d'avane.
- NOTERE : Ci n'est nin tot, dj'areu d'vous dire : èi n'est nin fini ! Cinquinme point : mes senses et mes tites sèront pàrtis come çouchal : 1/20<sup>ème</sup> po m'personel, 1/20<sup>inme</sup> po l'curé a fize dè dire des messes po l'paye di mi-âme, li resse a ....hum....hum..... a Julien Tosseu baron di Hôtèsvègnes !
- REGINE : (A Désiré) Farèt bin v'continté di çou qu'vos avîz !
- LUCIEN : (a Justine) Li société Sinsens, Lebosse et Cie rimète si bilan.
- NOTERE : Dji tchèdge mèsse Guldenmark dè fé respecter tot çou qui vint d'esse dit. Fê a ....
- LUCIEN : ....loyî-l' a rèze alez.
- NOTERE : Dji v'dimande co'ne munute d'atincion. I n'a on post-scriptum, dj'areu d'vous dire on codicille....
- REGINE : Important ?
- NOTERE : Fwèrt important, dj'areu d'vous dire indispensåbe ! (lèhant) codicille: si dj'a fê d'Julien mi légatêre universél c'est qui; come mi, il a savou rinde les oneûrs a bê sexe sins s'èlahî des tchinnes dè marièdge. Di d'la, Julien Tosseu po esse l'éritîr di mes bins divrèt esse èt d'morer djône-ome ! Si par hasârd, il est-eut marier ou s'i s'mariève, mi nèveu divreut s'continter dè tite di baron . Li tchestê èt çou qu'î d'meureut d'el forteune rivinrâden a Désiré èt Justine Crépin, on mitan po chaque.
- JULIEN : (si catchant po bodgî s'rond d'ôr) Va faleur djouwé sèré !
- DESIRE : mes acsions r'montèt !
- LUCIEN : Nos-avans l'concordat !
- NOTERE : (a Julien) Moncheu , dji sos tcherdgi insi qu'mes successeûrs dè loukî a respèt di c'testamint. Permètez-m' di m'rihètchî . (i salue, rifèt ine courbète divant OSCAR QUI PE QU'MAYE A L'ER DE VOLEUR DJOUER L'DJEU -- Li notêre serteve)

SINNE IX - LES MINMES MONS L'NOTERE.

- JUSTINE : Mi chér Julien, a nom d'turtos permètez-m' di v'féliciter.
- JULIEN : I n'a nin d'qwè 'nnè fé on monde.
- RÉGINE : Di totes manîres, nos v'rimercihons di nos-aveur proposer l'lodgemint.
- JULIEN : C'est d'bon coûr savez.
- LUCIEN : Si vos-avez mèsâhe d'on fondé d'pouvèr, dji mète mi scyince des afêres a vosse disposicion.
- JULIEN : N'alans nin trop vite ! Dj'î rèflèchirrès.
- DESIRE : Dji n'vôreus todis nin esse à vosse plèce savez Julien.
- JULIEN : Et pokwè don ?
- DESIRE : Rinoncî à djoyes dè marièdge po on tite et 'ne forteune, dji n'sâreu.
- LUCIEN : Surtout qui m'bê fré 'nnè sé 'ne saqwè, èdon Régine.
- JUSTINE : Trésor, vos-estez foû des régues.
- JULIEN : (alant po sorti ) Dji v'lê a vos occupâcions èdon !
- LUCIEN : Kimin moncheu l'baron, vos 'nn'aler sins nos mostrer vosse surprise asteure.
- JULIEN : Dj'aléve djustumin 'l'kwèri ! (et tot pierdou, vos 'la evoye po 'ne ôte pwète).

SINNE X : LES MINMES + LOULOU ET SUZY.

- LOULOU : (intrantr avou Suzy) Dji m'a permètou dè fé intrer l'dame qui ratindéve moncheu.
- JULIEN : (a pàrt) Catastrôfe !
- SUZY : (tote doûce) Dj'atakéve a avu l'tins long savez Julien.
- JULIEN : On pô d'dignité s'i-v-plêt !
- SUZY : Min dji sos tot l'minme.....
- JULIEN : (el côpant tot dreut) Vos-estez d'vins 'ne mortuêre !
- SUZY : Si vos volez m'balter, c'est d'fwêrt mava gosse.
- JULIEN : Mamzèle, dji n'balteyereu nin so on tél sudjet !
- SUZY : Julien ! Mamzèle ?
- JULIEN : (el piçant è brès) Awè mamzèle....loukîz (et el monne podrî l'paravent).
- SUZY : (quand èle rivint, a tot l'monde) Ekscusez-m', dji n'saveu nin...
- JULIEN : Vola ! Cuzins, cuzènes, dji v'prusinte mamzèle Petitjean.
- JUSTINE : Sèriz-v's li surprise qui Julien nos aveut promètou ?
- SUZY : (on pô d'ginneye) Dji creus qu'awè.
- JULIEN : C'est mâlereus a dire mins m'surprise n'est pu nole asteure.
- LUCIEN : Pokwè don çoula ?
- JULIEN : Bin....bin....li surprise esteut po mon'-n-onk Oscar (OSCAR QUI DIQU'AS-TEURE AVEUT SIMPLUMINT<sup>c</sup>SAYI DE COMPRINDE NI S'SINT PU. I FA QU'I VEUYE COULA ET I CWIRE A LOUKI FO LES CREVEURES DE PARAVENT).

- DESIRE : Man'a tins lu tins d'el tchance.
- REGINE : Il areut polou 'nn'ayu volez-v' dire.
- JULIEN : (i cwère ses mots). I fè qui dji v' s'explique : mamzèle Petit jean est l'nèveuêse di neste ambassadeûr à Brésil. L'annoye passoye, euh....ses parints ont mercu divint 'n-accidint d'ôto et ....ele a pris l'décizion d'aler viker amon s'cuzin à Brésil.
- LUCIEN : Vos djaziz d'nèveuse, si mon-n-onk, adon....
- JULIEN : ( a Suzy) C'est vosse mon-n-onk ou vosse cuzin ?
- SUZY : Qui don ?
- JULIEN : Bin....l'ambassadeur la .....
- SUZY : Euh...mi non-n-onk..
- JULIEN : Seûlemint vola, ele ni s'a mâye afêti à climat et z'avent-elle scgne di s'nitrover chal tote seûle. Dji tûsa adon qu'ele pœrêût m'ni à tchestê po ôdi mon-n-onk Oscar; ele areut stu s'gouvernante, si secrètère et ...çou qui n'gâte rin mamzèle è-st-ossi infirmière.
- JUSTINE : Pôve èfant, vos-arivez a en bin mâva noumint.
- REGINE : Non-n-onk Oscar n'a pu mèsêhe di persone mâlcreusemint.
- JULIEN : Bin awè. Dji va don rêminer mamzèle el voye et lî cwèri 'ne tchambe d'ôtél tot ratindant ôte tchwè.
- JUSTINE : Vos nos veyez d'solés mins nos alans v'fé chorvi 'ne pitie sakwè divant qu'v' 'nn'alez'.
- SUZY : Dji n'sé vrinmint kwè dire.
- JULIEN : Va e mi. Dji m'va avou vos.
- REGINE : Dimanez Julien ! Louisse irèt avou mamzèle. Alez Louisse.
- LOULOU : Awè Madame (ele vout sorti avou Suzy mins on sone) . On sone Madame.
- JULIEN : (Pôchant s' l'ocôasion) Alez drevier dji va avou mamzèle Suzane (i sont èvoye tos les trous).

SINNE XI - JUSTINE - LUCIEN - DESIRE - REGINE.

- JUSTINE : Qui e'seuye enfin moncheu l'curé !
- LUCIEN : Dji va m'rihètchî. I n'a afêres et afêres. (i sorteye).

SINNE XII - LES HINGERS & LI CURE.

- LOULOU : (des oculisses) Intro moncheu l'curé ! (çi chal inteure).
- JUSTINE : (corant ver lu) Tot l'minme vos v'la !
- CURE : Dè calme mi-èfant, 'n'è rin qui brêûle èdon.
- REGINE : Mèni ! C'est pu vite nose mon-n-onk qui r'freudih !
- CURE : Awè, dji sé çai c'vî mécréant la est mwért.



- JUSTINE : I n'esteut nin fwert pratiquant mins i féve tot l'minme ses Pâques chaque anneye.
- CURE : Mins mi-êfant qui volez-v's qui d'j'fôye ?
- JUSTINE : Dji pinséve qui vos ârîz co polou l'administrer!
- CURE : Mâlheureusemint, il est trop târd !
- JUSTINE : (tcoulant) Mins adon, nos n'porans nî mète "rik'fwerté des diennrins sacramints" so les lètes di mwêrt ?
- REGINE : Si nos djâsîz en pô d'el messe d'êtermint.
- CURE : Dji n'sé nin çou qu'vos sohêtez édonmi.
- REGINE : Eksplikez-v's.
- CURE : N'a d'plusieûrs classes et d'tos les prix.
- REGINE : Li mî èt surtout l'pu tchîr, c'est Julien qui pâye !
- CURE : Moncheu Julien est nim'neu ! Tins ça m'fô plêzir. Vos lî direz on p'tit pô dè passer po l'mohone...dj'a r'çu onk di ces p'tits armagnac .... a fé ravikor on mwêrt...(côp d'ouye so l'paravent) Enfin !
- JUSTINE : Moncheu l'curé, n'a-t-i vrinmint nin moyen ....
- CURE : Sya djo ! Come ça vos ârez des bèlès lètes di mwêrt ! Leyîz-m' tot seu avou lu s'i-v-plêt (eles sortèt avou Désiré).

SINNE XIII. - OSCAR - LI CURE.

- CURE : Minti par obligâcion n'estant on pêchî; i m'sonle qui dj'a fê mi d'vwêr tot l'-z-i leyant creûre qui dji polève fé 'ne sakwè. Rawârdons 'ne miète et c'sêret bon insi (i s'instalc divint on fauteuye).
- OSCAR : (di pôdri l'paravent et qu'a ideye dè rire on côp) Dis curé, ni t'êdwème nin hin !
- CURE : Qu'est, qu'est, qu'est-ce qu'est la ?
- OSCAR : C'est l'mècrèant quit'houke di l'ôte monde.
- CURE : Impe, pmpopo, impossible...Dispoye Lazare, ça n'sa pu veyou ! (rassuré par çou qui vint dè dire is'réinstaleye).
- OSCAR : (après on tins) On est quand minme vite rouvi tot l'minme ! A ponne sos-dja r'froudi qui ti r'kwîre dèdja on copleu po beure a l'armagnac !
- CURE : Dj'enn'âprès l'cœur net (i dare bodgi l'paravent et tome bâbe a bâbe avou Oscar assis so s'lét). Wè...bè...vos v'rayrîz l'tonseure édon surmint.
- OSCAR : Ca t'fê loukî l'êdge hin curé !

- CURE : Dj'ennè r'vins nin !
- OSCAR : Voussi mi ! Dj'onnè ses rim'ncou ! Ti Mésse n'a nin volou d'mi !
- CURE : Est-ce ine blague ou en miràke ?
- OSCAR : Les deus va ! An miràke por mi mins 'ne lède blague po m'chère famile.
- CURE : Kimint de 'ne lède blague ! Mins t'famile va fé des hopes di djoyes !
- OSCAR : Des hopes di djoye ? Si ti savasse çou qu'dj'a étindou ! I sont co pè qui dji n'el pinséve !
- CURE : Qui raconte-tu la don twè ?
- OSCAR : Come dji t'el dit valet ! I retindî dè m'veyî fé l'sôt po s'partager çou qu'dj'a.
- CURE : Ein ti m'evare ! Ti fè co sûr les peus pu spès qui n'sont va !
- OSCAR : Mins dj'enn'a les prouvès parèt ! Dji les-a ètindous qui ff l'partèdge di m'dépouye ! T'froux dit des charognes !
- CURE : Alé, alé, persone n'est si mâve qu'çoula !
- OSCAR : Dji vous bin l'admète po Justine et Désiré, c'est 2 ènocints. Mins Régine et Lucien ...dji l'a bin veyou quand en a léhou l'testamint hin...
- CURE : Kimint l'notêre a dèdja m'nou...
- OSCAR : Awèèè...
- CURE : (intèrèssé) Et qui est-ce qui ... ?
- OSCAR : Julien ! c'est tot po Julien. Et en p'tit pè po mi-âme...ti t'coup'rèt bin d'çoula twè!
- CURE : Et pokwè Julien pas' qu'in-ête ?
- OSCAR : Pacc qui Julien è-st-en Tousseu d'peûre race . D'ayeure t'el sè bin, t'el kinche ! I respectoye ti cote sins portant dire "amen" a totes tes messes ; il a bon fond, i sèt riknohe en bon vèro, ossi bin qu'twè, ti vins co d' l'invitor d'ayeûre . Et a d'dizeûr di ça (il a bon dè fé assoti l'curé)... il est pwerté po l'bagatèle
- CURE : foû marièdge s'i-viplêt !!
- OSCAR : Ni rimmans nin co la d'sus hin ! D'aeûre, inte di nos deus, t'î tins ossi hin a d'mani vè djêns come
- CURE : Louke, tot djâsant d'çoula, pinse tu qu'les curés s'mareyeront en djèu twè
- OSCAR : Sé rin mi . Et a ti-idoye twè ?
- CURE : Les cis d'nosse générâcions nin, mins nos èfants zèls, el vouront !

- OSCAR : La-dsus, dji sins qu'dji va co m'payî'ne pête di bon song\*  
(il a dit çoulz tot s'rikoûkant les mins è creuh ).
- CURE : Kinint ça ?
- OSCAR : Ti n'pinse tot l'minme nin qui dji va m'arester so si bone voye  
ha, ha ha...I n'pinsèt mwêrt ! Nan'aront po leus sanse !
- CURE : Ti n'vas nin m'ni dire qui ....
- OSCAR : Sya, sya....Dji n'ravikrèt qu'â moumint wice qu'on m'tchoukrèt el  
bîre !
- CURE : On Hotèsvègnes qui vint foû d'el bîre, on l'z-âre veyou totes !
- OSCAR : Arive todis on djoû qui n'a mâye vinou hin curé !
- CURE : Dji n'ti lèrè nin fé çoula ! Et pwis tûse on pèa Julien hin qui vint  
dè rim'ni.....
- OSCAR : Julien ! Woye, c'est vroye . Et pwis, i m'a raminé onk di ces p'tits-  
andges, qui m'divève sognî âs p'tits ognons !  
Fré des mosses, dji n'ti dis qu'ça ! Alè djo, t'as rêson ! C'est co  
les pu coûtes les meyeûses : done-mu m'cou d'tchâsse louke la.
- CURE : Ti kwè ?
- OSCAR : Done mu m'pantalou et houke Loulou.
- CURE : (lî d'nant s'pantalou)Qué pârlé ! Enfin ! ....mamzèle Louisse, mam-  
zèle Louisse vinez-on pô !
- SINNE XIV - LI CURE - OSCAR - LOULOU.
- LOULOU : (intransant ) Awè moncheu l'curé (vola qu'ele veut Oscar) Ton...ton.....  
tonton....(ele tome flêwe divins les bresses dè curé).
- OSCAR : (prindant Loulou foû des bresses dè curé) Eh, la, rin d'tot ça  
l'clergé ! tchêsse prîveye ! (sayant dè raru Loulou) alè djo, c'est  
tot, c'est tot....
- LOULOU : Mirêke ! Moncheu l'baron est raviké !
- OSCAR : Awè, et avou l'gale âs dints !
- LOULOU : Moncheu l'baron a co 'ne feye li prostate !
- OSCAR : Hin ?
- LOULOU : Mins dji v'prévins : vos m'magnerez pu so l'lèt !
- OSCAR : Dji magnèrèt chal al'tâfe: 4 oûs et 5 bokets d'lârd! Alè, cocote,  
alez m'apruster ça !
- LOULOU : Bon moncheu (etça moumint qu'ele sorteye)
- OSCAR : Et èvoyîz-m'li novèle ricrue da Julien, dji l'ègadge !  
(Loulou sorteye).

SINNE XV - LI CURE - OSCAR.

- CURE : Dji t'vas leyî mi Oscar ? Dj'inme ottant i n'nin esse la quand ti vas t'ekspliquer avou t'famille !
- OSCAR : T'as rêzon va ! Ti n'frous mâye qui d'kimeler les cwârdjeus ! Mins d'vans d'ennaler, ti m'divreus rinde on p'tit chervico !
- CURE : Si n'mespêche nin dè d'morer dègne.
- OSCAR : Ti vas vès l'comode hin, ti droûves li prumî ridan et ti m'apwète mes fâsses dints.
- CURE : (qu'a suvou l'mouvemint) Tes fâssès dints ?
- OSCAR : Weye mes fâssès dints ! A dater d'asteure, i m'plêt dè hagnî : weye di totes mes dints !!!!! (et c'est la d'sus qui l'ridô tome).
-

2<sup>inme</sup> AKE.

SINNE I - SUZY - JULIEN.

- SUZY : (en sinne avou Julien, veut passer Oscar è parc) Et bin po onk qu'a maqué dè mori, il a l'êr bin r'métou !
- JULIEN : Mon-n-onk Oscar a tofer avou 'ne bone santé.
- SUZY : N'espêche ! Ir è matin, i pindève a l'awet cuye après l'diné, i s'permonne è parc.
- JULIEN : Mins vos rouvîz dè dire qu'il a stu sognî par li pu douce et li pu-s-atinsioneye des infirmières!
- SUZY : Dji n'sé s'il e-st-avou des swins atinsionés mins dji v'pous dire qui po esse en forme, il è-st-en forme !
- JULIEN : Vos volez dire ....en forme ?
- SUZY : A voste adge ! Fêreut-i ce v'fé on dessin ?
- JULIEN : Atinsion savez la, vos estez marieye !
- SUZY : Dispoye quand don?
- JULIEN : Dispoye 10 meus !
- SUZY : Vos m'l'arîz dit qui dji n'l'areu nin crèyou.
- Julien : Ni v'moquez nin alez.
- SUZY : Portant îr, mencheu l'baron Julien rêvoyîve mamzèle Petitjean à l'ôtel, come ine ètrindgîr !
- JULIEN : Mins dji v's-a ekspliqué l'situâcion.
- SUZY : Situâcion ou nin situâcion, i m'sonle qui vos inmez mî vos tite et vos' tchestê qui vosse feume.
- JULIEN : Dji n'polève tot l'minme nin avouwer d'avant l'famile qui nos-estîz mariés. Il êrît bin avu trop bon.
- SUZY : Dji vous bin l'admete. Mins cisse comèdeye va-t-ele co durer lontins?
- JULIEN : Résumans l'situâcion.
- SUZY : L'amofîr ou les sens !
- JULIEN : Ci n'est nin on sudjet d'mokreye. Vos k'nohez ossi bin qu'mi l'problinne. Ou bin nos-avouwans nos mariêdge et dji piête..enfin nos pierdans tot, ou bin nos djouans l'djeu et mutwè, trouv'rans-n's li moyin di nos sètchî feû d'la.
- SUZY : Li moyin....awè, dji vous bin, mins 'nn'a-t-i scu l'mint onk' di moyin pwisqui l'non-nonk' vout absolument on djône ome come éritîr ?
- JULIEN : On l'pout todis fé candgî d'idoye. Si vos savez v's-î prinde, di d'chal on p'tit tins, mon-n-onk Oscar pôreut v's-aprécî et rimni so d'écision.
- SUZY : Pourvu qu'ca n'deure nin cint ans. Et pwis avou vos' "si vos savez v's-î prinde" on direut qu'vos m'tchoûkîz d'vins les bresses da vos' mon-n-onk.

- JULIEN : I n'est nin question dè toumer d'vins ses bresses, les meunes divrîz v'sufi !
- SUZY : Vos volez portant nos fé viker come deux ètrindgîns.
- JULIEN : Divent l's-ôtes, awè ! Mins rin n'nos espêtoche di nos r'trover a l'mut !
- SUZY : Todis ossi romantique ! Dji piède mi bouname mins dji r'troûve on galand !
- JULIEN : Ci n'est nin po d'visplêre surmint ?
- SUZY : Vos savez bin qu'nèni ! (i s'rabressèt).

SINNE II. - JULIEN - SUZY - LI DOCTEUR.

(Li dokteur les alouke po l'pwète vitreye pwis bouhe).

- JULIEN : (si disgadçant) Intrez !
- DOCTEUR : (intrans) Bondjoû moncheu Julien, bondjoû Madame!
- JULIEN : Mamzèle !
- DOCTEUR : Vermint, c'est m'djoû des maladresses !
- SUZY : Vos n'avez nin a v's-ekscusé !
- JULIEN : Nos m'nans d'égadgî mamzèle Petitjean come infirmière vèyez-v's.
- DOCTEUR : I m'sonle qui c'est principalemint moncheu l'baron qu'a égadgi mamzèle.
- JULIEN : L'avez-v's veyou ?
- DOCTEUR : Dji m'néve èjustumint po l'visiter et dji l'a rescontré qu'i s'porminéve è parc.
- JULIEN : Et kimint l'avez-v's trové ?
- DOCTEUR : Par hazard !!
- JULIEN : Dji vous dire si santé èdon !
- DOCTEUR : I r'glatihe di santé. Si dji m'pous permète, dji dirès qui po on r'freudi il est tot feu tot flame !
- JULIEN : N'a-t-i noû dandgî d'richute ?
- DOCTEUR : Dji n'pinse nin mins li faculté lî consihe tot l'minme li r'pwès.
- JULIEN : Dji creus qui vos avez rêzen.
- DOCTEUR : Et pwis mamzèle est chal po loukf sor lu...d'el long'po bin fé !
- JULIEN : Qui volez-v's dire ?
- DOCTEUR : Dji califîcreus voltî li case di ses mèhins...dihons, l'mot, di zizimanie !
- SUZY : Bin dji profite qu'il è-st-è parc po lî pwerter ses drougues d'abôrd.
- DOCTEUR : Ni v'tracassez todis nin trop savez, si maladeye ni s'done nin ! (Suzy sorteye).

SINNE III - JULIEN - LI DOCTEUR.

- DOCTEUR : Et bin moncheu Julien dji v'rik'nohe bin la ! Vos-avez dèdja fê des dègats !
- JULIEN : Des dègats ?
- DOCTEUR : Awè des dègats. Diner c'est diner <sup>mins</sup> riprinde c'est haper.
- JULIEN : Djin'comprinds nin.
- DOCTEUR : Vos n'comprindez nin ? C'est portant sépe : vos -animez 'ne bèle infirmière a vos mon-n-onk et ses mins sont por vos...dji vous dire ses swins sont por vos. Ci n'est nin binamé ça !
- JULIEN : I fa bin qu'djônese i s'passe.
- DOCTEUR : Dji vous bin, mi, mins vos n'divez nin l'espêchî dè fé s'ovrèdgc po l'baron !
- JULIEN : Qui dè contrêre ! Si vos savîz come dji ~~tins~~ à l'santé di m'mon-n-onk.
- DOCTEUR : Mins c'est bê çoula po 'n-éritîr !
- JULIEN : N'êtèrez nin co m'mon-n-onk èdon !
- DOCTEUR : I n'riskeye nin grand'tchwè po l'moumint a Jondicion portant qu'i n'sitrinde nin trop' mamzèle Petitjean !
- JULIEN : Ele est capâbe di s'disfinde.
- DOCTEUR : Mins i n'a ossi Loulou...Tot conte fê, wice è-st-èle cisse binameye bâcèle ?
- JULIEN : Dji supôse qu'cle e-st-a l'couhene.
- DOCTEUR : C'est qui dj'âreus bin volou lî d'ner quèquès indicacions po l'régime dè baron.
- JULIEN : Volez-v's qui dji v'l'evoye ?
- DOCTEUR : Ca m'frent plêzîr !
- JULIEN : Dj'el fê so l'côp (i sorteye).

SINNE IV - DOCTEUR - DESIRE.

- DESIRE : (intrans) Bondjoû docteur !
- DOCTEUR : Bondjoû moncheu.
- DESIRE : Dji sos binâhe di v'veuye !
- DOCTEUR : (a pèrt) Co onk qu'a mèsâhe d'ine visite po rin (a désiré) A qué sudjet ?
- DESIRE : Bin vola, dj'atrape des rêdeûrs !
- DOCTEUR : Potchâ qu'vos estez !
- DESIRE : Dji sos lon d'avu l'minme sintumint qu'vos !
- DOCTEUR : Wice avez-v's dè mâ ?
- DESIRE : Et bin dj'a des crampes divint les molets.
- DOCTEUR : Li gôche ou l'dreûte ?

DESIRE : Dji n'sé trop' rin. Vos dîrîz qu'òle passèt d'onk à l'òte !  
DOCTEUR : Dji veus; c'est des érampes di passèdje !  
DESIRE : Et qui m'consihez-v's don po çoula docteur?  
DOCTEUR : Dji n'veus qui des massèdges.  
DESIRE : Ni feume ni sé sûr nin masser et m'soûr n'est nin masseûse.  
DOCTEUR : Mins vos avez ine infirmière dizos l'nolet...dizos l'min vous-  
djdju dire !  
DESIRE : C'est vreye loukîz ça !  
DOCTEUR : Di lî va d'ner des consignes.  
DESIRE : C'est djusse docteur, consignez-l'!  
DOCTEUR : Ni v'tracassez nin, vos nolets sèront d'vins des bonès mins !  
DESIRE : Merci bêcô docteur !

SINNE V. : DOCTEUR - DESIRE - LOULOU.

LOULOU : (intrant) Vos m'avez houki docteur ?  
DOCTEUR : Awè, dj'gréus volou v'djâser...  
DESIRE : dji v'lê d'abôrd. A r'veye docteur !  
DOCTEUR : A r'veye. Vo-mnè la onk qui va passer des mâvas quart d'eure po on bon moumint !

SINNE VI - DOCTEUR - LOULOU.

LOULOU : Ni essi tins, dji vôreus bin passer on bon quart d'eure po on bon moumint !  
DOCTEUR : Si vos l'volez, dji v'pou d'ner on còp d'min.  
LOULOU : Ci n'est nin çou qu'dj'a volou dire.  
DOCTEUR : On direût qui dji n'vis plê nin.  
LOULOU : Ci n'est nin çou qu'dj'a volou dire...mins dj'inm'reus ottant ine sakî d'mons...ine sakî d'pu...come moncheu Julien par egzimpe.  
DOCTEUR : Seûlemint, Julien, a'ne vocâcion d'vî djône ome.  
LOULOU : I na qu'les sots qui n'candgèt mâye d'ideye !  
DOCTEUR : Mutwè bin, mins a' d'dizeûr dè martchi, Julien a-st-on flâwe po l'côr mèdical !  
LOULOU : Pokwè....i v's-a dèdja ....?  
DOCTEUR : wè, wè.  
LOULOU : Vos estez sûr d' avu bin compris ?  
DOCTEUR : C'est bin simpe : dj'a veyou tot !  
LOULOU : Tot ?  
DOCTEUR : Tot, tot, tot, !  
LOULOU : C'est disgostant. Dji n'vis pinséve nin insi. Et moncheu Julien non pu !



DOCTEUR : Qué mâ n'-t-i la d'vins don ?

LOULOU : Qué mâ ? Moncheu Julien et vos !

DOCTEUR : Qu'est-ce qui v's-a dit ça ?

LOULOU : Mins vos-minme ! asteure !

DOCTEUR : Dj'a dit Julien et l'côr médical. Dji n'sos nin l'seûl côr médical d'el mohone !

LOULOU : Dji n'comprend nin.

Docteur : Mins tûsez don a nosse bèle pitite infirmière !

LOULOU : C'est vroye. C'est bin danadje qui dji n'aye nin ossi on cwêrps médicâl come li ci da Suzy !

DOCTEUR : Mins dji pôreus rinde vosse cwêrps médicâl tot v'dinant des leçons d'anatomie (I pice Loulou et come çî chal si sâve, i court après avê l'plèce adon qui Régine inteure).

SINNE VII - DOCTEUR - LOULOU - REGINE.

REGINE : Qui s'passe-t-i don chal ? C'è-st-insi qu'vos ovrez vos !

LOULOU : Mins dj'ôteûre madame. Dji prend des leçons atomiques!

DOCTEUR : Si vos l'permêtez, dji m'rihêche (a Loulou) Et ni rouvîz nin li régime da moncheu l'baron. (a Régine) Madame, mes respects (i scr-teye dismêtant qu'Loulou lî fê 'ne révérence).

SINNE VIII - REGINE - LOULOU - PWIS LUCIEN.

REGINE : Vo'nné la t-i des manîres ! Wice i v'pinsez-v's don ?

LOULOU : Vola qu'on m'riproche d'esse onête louke asteure !

REGINE : Mi dji lome ça d'el provocâcion.!

LUCIEN : A-t-i d'l'orêdje chal ?

REGINE : Cisse turlurette ennè fê mâye qu'a s'manîre !

LUCIEN : C'est vroye, dj'a dj'dja r'marque dè leyî aler.

REGINE : D'ayeûre, vos n'avez rin a fé chal quand on n'vis-a nin houki !

LOULOU : Djustemint ! On m'a houkî : Et nin n'importe qui s'i-v'plêt! Moncheu Julien ! li futûr baron : (ele ène va).

SINNE I X - REGINE - LUCIEN.

LUCIEN : Li futûr Baron !

REGINE : La futûr Baron !

LUCIEN : Quand dji tûse qui l'tite mi rim'néve !

REGINE : Quand dji tûse qui l'tite rim'néve à mi-ome !

LUCIEN : Alè, seyîz' sérieûse. On baron deut aveur ine certinne prestance !

- REGINE : Come vos d'hez ! Et 'ne barone deut poleûr tini s'rang.
- LUCIEN : Vos veyez voste ome baron ?  
Li baron Désiré !
- REGINE : Vos veyez vosse feume barone ? Li barone Justine !
- LUCIEN : Adon qu'mi !
- REGINE : Adon qu'mi !
- LES DEUX : Adon qu'nos-êtes !
- LUCIEN : (prindant Régine po l'brosse)(et annonçant)  
Li baron et l'barone di Hôtèsvègnes !
- REGINE : (avou fwèce) Ci sèreut formidâbe.
- LUCIEN : Nos arîz d'vou nos rescontrer pu timpe !
- REGINE : Awè, mins di totes manîres, nos n'f'îz nin pârteye d'el famille des Hôtèsvègnes. Adon, po l'tite, c'est mâ toumé !
- LUCIEN : Adon po l'moumint : statu-quo !
- REGINE : (si pindant a s'hatrê) il est grand tins d'candgî l'coûse des évènements (bahédge)I nos d'mane co les sens èdon !
- LUCIEN : Vos f'rîz ine associâcion ?
- REGINE : Pokwè nin ! Vos n'arîz nou r'mwêrd ?
- LUCIEN : Nouk'. Vos savez qu'Justine a 'ne pitite santé et à d'dizeûr di tot li passion di 'ne bigote n'a rin d'andoûlant ! Et vos, vos n'arîz nou r'gret ?
- REGINE : Des r'grêts ? Avou l'indésirâbe Désiré !
- LUCIEN : A nos deux l'amouûr et l'bèle veye.
- REGINE : Nos n'avans nin co les sens savez !
- LUCIEN : Tant qu'nos-ârans Julien d'vins les pates, nos n'ârons nol espwèr !
- REGINE : On pôreut marier Julien !
- LUCIEN : C'est vreye ! Et Oscar candgreut s'testamint.
- REGINE : Julien ! Baron di Hôtèsvègnes mins nin on franc !
- LUCIEN : Dj'a todis pinsé qu'tot poléve s'atchter. Si n's-avans l'ritchesse, vos sèrez duchesse.
- REGINE : I n'a co on hic. Oscar donrèt ses sens à Justine et Désiré.
- LUCIEN : Ci n'est qu'on détaye. I n'î veurant todis qu'dè feu quand nos l's-î prindrans tot !
- REGINE : A l'ideye come ça ! Vos dêmons, vos djâsez come in-ome ! Nos vikrans d'amour et d'frissès sens !
- LUCIEN : (volant l'rabressî) Adon, li martchî s'fê ?
- REGINE : (li d'nant l'min) Li martchi est dju ! (A Lucien qu'el rahêthe)  
nosse prochin bahédge fiestey'ret nosse rèussite.

SIMONE - LUCIEN - REGINE - NOTERE.

- NOTERE : (intrant) Bondjou Madame, bondjou moncheu, ekscusez-m' di v'dèrindgî, dj'âreus d'vous dire dè troubler veste intimité, mins dj'a n'çu on cōp d'tèlèfone d'a moncheu l'baron qui, vos m'ennè veyez binâhe, est todis bin vikant !
- REGINE : Si vos volez prinde plèce, dji va prém'ni m'mon-n-onk!

SCENE XI - LES MINNES + OSCAR.

- OSCAR : (intrant) Vê nin les pennes Régine. Et kwè notère, t'es dj'dja la ? E granâ doû coc ! C'est binamé ça ! Mins dj'sos co todis bin vikant vens ! Dji trouvo minme qui dj'a on pu bê visèdge qui twè !
- NOTERE : C'est l'émocion qui n'rind blanc-mwèrt!
- OSCAR : L'émocion ou les frès d'succession qu'ti n'ârès nin enfi...nin tant qu'asteure todis.
- NOTERE : Ça pr'vos d'hez la moncheu !
- OSCAR : C'est t'djou dè parète veksè hin mins n'ti tracasse nin, ti n'sèrez nin cocou po rin (brûyant) Loulou, Loulou.....

SCENE XII - LES MINNES + LOULOU.

- LOULOU : (intrant) Vos m'la moncheu l'baron !
- OSCAR : Vola nosse Loulou tins ! Cocote, dj'a mèsâhe di vos !
- LOULOU : Todis prêts èdon moncheu l'baron !
- OSCAR : Vos-ales s'oner l'rassemblemint gènèral ! I m'fa veuye Julien ; Justin... t'âsîré !
- LOULOU : Bon moncheu (s'le sorteye).

SCENE XIII - LES MINNES MONS LOULOU.

- NOTERE : N'ce volez-v's ennè m'ni moncheu ?
- OSCAR : T'as bin l'tins d-el savu..Sèpe seulemint qui n'a brâmint d'ovrèdge chal por twè et qu't'ârès l'ocâsion d'ennè gangnî po fé hō avou l'c-ôtes ? Dj'a minme tot préveyou po qu'ti n'feye nin des conratreyes a livâde. Apris qu'l'essence è-st-asteure, ti frès co des spâgnes. Dji d'hôve den qui dj'aveus tot préveyou, dji t'a fê apruster ine tchambe è l'côte gauche. I n'f a wère di feumes mins ti n'sé tot l'minme nin çou qu'c'est !!!

SCENE XIV - OSCAR - NOTERE ET TOS LES NEVEUS.

- NOTERE : (intrant a ou Justine) Vos nos avez fê houkî mon-n-onk!
- OSCAR : Dji n'sé pu m'passer d'vos-ôtes !
- JULIEN : (intrant) Et kwè, parèt qu'on fê conseye di famille?

- OSCAR : Veuchal li pécotet ! Assîte tu valet, t'es chal à t'mchone!  
(as-ôtes) assiez-v's. Nêveuses et nêveus, vos estez chal po  
hoûter m'conversâcion avou m'esse Guldenmark. I fât qu'tot l'monde  
si têsse !
- REGINE : Mins. ...
- OSCAR : Dj'a dit : tot l'monde ! Nôtre, t'as dèdja lêhou m'testamin divant  
m'famile. Grossire erreûr pwisqui t'n'aveus nou certificat d'décès !
- NOTERE : C'è-st-a dire qui dj'a veyou....
- OSCAR : Ti n'as djusse rin veyou...et pwis dj'na rin a dire, li dreut  
è-st-avou twè. Dji t'vôreus portant bin d'mander 'ne sakwè.
- NOTERE : Dji v'hoûte.
- OSCAR : Come mi testamint est kichou, vât-i co'ne sakwè ?
- NOTERE : Il est valâbe, dj'êreus d'vous dire inataquâbe.
- OSCAR : N'a don rin d'mâ fê ! Oh, dji sê qui c'est lon dè plêre a des çî  
qui n'a mins m'testamint est pu spirituêl qui matériêl bin qu'onk  
ni vâye nin sins l'ôte. Dja tchûsi Julien po éstitîr pace qui dji  
pinse et dj'estime qu'il est m'portrêt. Dji m'riveus à 35 ans; djône,  
vif, djocyea, profitant d'el veye, ni heptant nin po cori l'pertontinne.  
Dj'alêve d'ine feume à l'ôte, hapant 'ne florète chal et la et  
riant a l'narène des oncs épalets ou incapâbles . (I roye di Désiré).  
Po n'hapèr alêns, dji lèvéve li coûde pus' qu'a m'toûr ! Eles  
m'adorîz turtotes....sins espèr di m'miner à l'été. Tot esteut  
parfêt, tot areut stu parfêt si dj'avasse avou les moyins po 'derer"  
certinnès conquêtes (à Lucien) Les sens n'atch'tèt nin tot mins eles  
ôdèt tot plin ! Et dj'a sevint tûsé qu'il areut stu pu agréâbe dè fé  
'ne perminâde à clèr di leune divint 'ne Rolls pu vite qui d'vins 'ne  
deux tchvâs ! Hè, hè....les s'ôdges d'el Rolls fêt couchètes. Li  
confôrt si pâye ! Bref, seûl Julien a savou mi-egaimpe et dji n'vous  
nin qu'i ratiade come mi 50 ans po profiter dè confôrt anglès !  
A pârti d'cuye, dji lî done on tîs' di m'fortune !
- NOTERE : Si dj'a bin compris, vos vol-ôz fé 'ne donâcion a vosse nêveu Tosseu  
Julien ?
- OSCAR : C'est bin ça ! Et po qu'les âs s'estèssent fê d'vint les condicions,  
ti vas t'instaler chal à tchestê et apruster l'inventôre complet  
di tot çou qu'dj'a.
- REGINE : Mins, si Julien s'mariève , mon-n-onk ?
- OSCAR : Come dji k'nohe Julien, i n'est nin come a fé pareye bicstreye!
- LUCIEN : I n'fât maye djurer d'rin.

OSCAR : Dj'areus ce tot l'aint di m'ritourner si çoula arivéve !  
Tant qu'asteûre, mi décizion est prise. Notôre, Julien i t'va  
miner è t'tchambe. Mi, c'est l'eu<sup>re</sup> di m'pikûre et dji va r'trover  
mi'infirmiére. Egzécusion ! (i sortet tot les treus).

SINNE XV - REGINE - LUCIEN - JUSTINE - DESIRE.

REGINE : C'est todis mî !  
LUCIEN : Dji t<sup>ê</sup>séve tot asteûre qui l'seûle solusion sèreut dè marier  
Julien li pu rat'mint possibe si nos volans avu 'ne pitite sakwè  
di çou qui nos r'vint d'dreut !  
JUSTINE : C'est vreye. Et pwis come çoula Julien rivinreut tot l'minme el  
dreûte vôye.  
DESIRE : Il s'reut l'vreye benefêr ! I n'a qu'a loukê les deux belès copès qui,  
nos fens !

SINNE XVI - LES MINNES + LE CURE.

CURE : (t<sup>ê</sup>-intrans) Salut les completeurs (veyant les -ôtes qu'el louket)  
A-djêdju dit 'ne sakwé d'mê ?  
JUSTINE : Nin du tout èdon moncheu l'curé !  
CURE : C'est bin çou qu'a m'sonléve. Enfin, bondjou turtos!  
JUSTINE : Nos djâsis d'Julien.  
CURE : Di Julien ?  
JUSTINE : Awè moncheu, l'curé, nos nos d'hîz qui ci sèreut fé 'ne bone acsion  
qui dè r'mète Julien so l'dreûte vôye.  
CURE : So l'dreûte vôyse ? Dji n'comprend nin.  
DESIRE : Quand m'sou<sup>r</sup> djêse d'el dreute vôye, ele vout dire li cisse d'on bon  
manedje. Julien est trop vol'trûle et il inne trop'....les feumereyes.  
CURE : Dji creus qui v's-avez rêzon. Seyez' trankile, dji va m'enn'ocuper.  
Dji monte dire bondjou à mirêoulé pwis dji cwîrrès Julien(il è-st-  
èvoye).

SINNE XVII - REGINE - LUCIEN - JUSTINE - DESIRE.

REGINE : I n'si dgin-he wère don lu ci la ! Intror sins bouhî !  
LUCIEN : Po in-ome di dreûte, il e-st-assez gôche !  
JUSTINE : On si brêve ....  
LUCIEN : Rim'nans a nos moutons !  
DESIRE : A nos berbis volez-v's dire !  
LUCIEN : Berbis ?  
DESIRE : Mins n'cwêrez-v's nin 'ne berbis po nos'mouton d'Julien ?

- REGINE : Vola mi'ome èvoye ! Et i s'marey'rant et i front bâti 'ne bèle berdgireye rimplaye di p'tits ognès !
- LUCIEN : L'idaye da Désiré n'est nin si biesse qui ça. Ni tchoukans nin l'leup d'vint les montons, quand 'n'a assez avou 'ne bèle berbis !
- DESIRE : Veyez-v's qui dj'a avou 'ne bone ideye !
- LUCIEN : Mins n'fi Désiré, dj'î aveus sondgi d'ant vos èdon !
- JUSTINE : Lucien, vos-estoz on génie. Dji v's adôre !
- LUCIEN : Et nosse berbis n'est nin lon !
- REGINE : A qui sondgîz-v's ?
- LUCIEN : Vos avez d'vou r'marquer come Loulou <sup>plouîthéve</sup> devant l'docteur ! I sufirout dè fé l'aweye po mète ce plouîthéges so'né-ôte voye. Li voye Julien par egzimpe.
- JUSTINE : Vis rindez-v's conte di çou qu'vos d'hez! Loulou avou l'tite des Hôtesvègues ! A tchûsi, dj'inm'reus ce mî li p'tite infirmière!
- REGINE : Et mi dj'a l'pârt dè wastê; vos k'nohez probèblumant li chevayer di Djulémont.
- DESIRE : Ah wè ! On brave ome la ! N'avout-i nin 'ne pitite bacèle ?
- REGINE : Et bin li p'tite bacèle da c'brave-ome la est dim'nowe ine bèle djêne feye qui deût m'ni cuye ni rinde visite.
- LUCIEN : Li oîr è-st-avou nos -ôtes.
- REGINE : Dji sos persuadeye qui l'prézincos d'on grand voyageûr come Julien ni pèrèt qu'hapèr l'atincion di cisse djêne feye qu'aprend les soyinces politiques.
- JUSTINE : Mètans-nos d'acwèrd : li quèle tchusihans-n's ?
- DESIRE : Pokwè mètrîs-n's tos nos oûs è minme banstè ?
- LUCIEN : Désiré a rêzon ! Ovrans chaskeune di nos'costé !

SINNE XVIII - LES MINNES + LOULOU.

- LOULOU : (intrans) Escusez-m' di v'dèrindgî.
- LUCIEN : Po'ne feye, vos toumez bin (as-ôtes) Leyîz-m'avou mamzèle s'iv-plêt.

SINNE XIX - LUCIEN - LOULOU.

- LUCIEN : Chère Louisse, dji tins a v'prubintez mes escusses po torate; dj'a stu on po trop rude avous vos.
- LOULOU : Oh vos savez monchou, dj'a l'âbitude.
- LUCIEN : Dji v's-a trêti come ine domestique mins asteure dj'a-st-apris....
- LOULOU : Vos avez appris a m'kincho
- LUCIEN : Dji n'sé k'mint dire. Enfin..dji n'saveus nin qui nos-alîs dimnis parints.

- LOULOU : Parints ? Vos n'pinsez tot l'minme nin qui dji va responde às avances dè vî mon-n-onk !
- LUCIEN : Dji n'djâsève nin dè mon-n-onk non pu mins dj'a avou ine conversâcion avou Julien ...et i sondgîve sérieusemint a s'déclarer.
- LOULOU : Si déclarer a mi? Moncheu Julien ?
- LUCIEN : Awè. Seulement motus èdon ! Dji n'vis a rin dit !
- LOULOU : Cou qu'vos d'hez la moncheu ! Dji n'arê wade dè dire a moncheu qui moncheu m'a fê part des intâncions da moncheu èdon!
- LUCIEN : Et vos frez bin. Seulement, Julien è-st-on grand timide et hep'toye po fé l'prumî pas.
- LOULOU : Dj'el fwercih'rès on pè.
- LUCIEN : Vos-avez totes les triomfes è vos'djou.
- LOULOU : Dji catch'rès bin m'djeu et djivîn<sup>ô</sup>rès atote à bon moumint !
- LUCIEN : Dè dwètè et vosse boneûr è-st-assuré !
- LOULOU : C'è-st-on conte di fée ! ....Mins c'n'est nin l'tot ça ! Dj'esteus m'nou anonçi mamzèle di Djulémont à madame Régine.
- LUCIEN : Fé intrer cisse dimwèzèle, dji houke madame Régine (Loulou sorteye) (broyant) Régine, vinez-on pè .
- SINNE XX - LUCIEN - REGINE.
- LUCIEN : (a Régine qu'intèûre) Dji supôse qui v's-avez oyou tot podri l'ouh'. A vos'toûr asteure, vosse candidate est la.
- REGINE : Bon m'futûr trésôr ! (Lucien sorteye).

SINNE XX I - REGINE - DGENNEVIRE FWIS LOULOU.

- DGENNEVIRE : (intran) Bondjou Madame !
- REGINE : Mi chère Dgennevîre, qui dj'sos continue di v'riveuye.
- DGENNEVIRE : Tot l'plêzir est por mi !
- REGINE : Moncheu vosse papa s'pwète todis bin ?
- DGENNEVIRE : On n'sâreut mî!
- REGINE : On pout dire qui v's-avez d'el tchance d'ariver ouye savez !
- DGENNEVIRE : Awè ? Li tshestê è-st-è liesse ?
- REGINE : Nosse Julien est rim'nou èdon. Dji sos persuadeye qui vos serez estchan-  
toye d'el rescontèr.
- DGENNEVIRE : Dji sos binêhe, c'est vreye !
- REGINE : Vos savez qu'Julien è-st-on grand r'porter. Vos perez discandgî vos ideyes so çou qu'i s'passe avè l'monde.
- DGENNEVIRE : Damadge qui dji n'arès wèro di tins.
- REGINE : Oh mins si vos volez ci n'est nin chal qui mâque des tchambes !

- DGENNEVIRE : Si dji n'dgine nin et si m'papa vout bin ...
- REGINE : Dj'arindg'rèt goulà (ele houke loulou) Dji va télèfonez a moncheu vos' papa !
- DGENNEVIRE : Vos-estez bin binameye. Dji n'sé k'mant v'rimerci!
- REGINE : Dji n'a mèsahé di nou merci.
- LOULOU : (intrans) Vos m'la madame !
- REGINE : Louisse, minez on pô mamzèle à l'tchambe Louis XV. Ele dimeurèt chal quéques djous.
- LOULOU : Si mamzèle vout bin n'sûre.
- DGENNEVIRE : Djisqu'a torate èt co'ne feye merci madame (ele sorteye avou Loulou).
- REGINE : Li ligne est tapeye : l'amwèce a bel <sup>er</sup>, li pèhon betch'rèt (ele sorteye)

SINNE XXII - CURE - JULIEN.

- CURE : (intrans avou Julien) Et bin m'fi i m'sonle qu'on sût les traces da s' mon-n-onk la !
- JULIEN : Dji n'comprinde nin moncheu l'curé.
- CURE : Vos fèz minme pus'qui d'les sûre, vos passez houte.
- JULIEN : Dji n'veus vrinmint nin çou qui....
- CURE : Alè, ni fé nin l'ènocin, vos ravisez Oscar on n'sâreut mî.
- JULIEN : N'a rin d'mâ la d'vint m'sonle-t-i ?
- CURE : Manîre dè veuye. Li veuye d'Oscar n'a mâye situ qu'ine coûse.
- JULIEN : Ine coûse ?
- CURE : (-mâva) Weye ine coûse ! Ine coûse inte lu èt s'conscyince ! Li maleur c'est qui s'conscyince n'a mâye polou l'ratraper.
- JULIEN : Ci n'est nin binamé çou qu'vos d'hez la po vosse vî camarâde !
- CURE : Mutwè ! Mins dji n'veus nin qu'vos vik óz! come lu. Vos d'vez rim'ni so l'dreûte voye.
- JULIEN : Di quéle dreûte voye volez-v's djâsez ?
- CURE : Vos l'savez bin ! Vos n'estez nin a on còp d'canif è .....
- JULIEN : (qu'a sogne) Divins qwè ?
- CURE : Et bin dihans d'vins....kimint direusdje bin...divins les rapôts qui deut avu inte in-ome et 'ne feume. (il è-st-assis)
- JULIEN : Vos-estez à corant ?
- CURE : Awè ! Dji sé tot d'vos avinteures. Ci n'est nin fwèrt riluhant...surtout è vosse situâcion!
- JULIEN : (d'on còp) Moncheu l'curé, qui fat-i po s'kifesser ?
- CURE : bin...i fât aveur pètchi et i fat on....curé!
- JULIEN : Vos-estez curé et dj'a pètchi ! Alans-î ( is'tape a gngnos)
- CURE : Kimint ça ?



- JULIEN : Moncheu l'curé, kifessez-m'!
- CURE : Asteur ? Come ça ?
- JULIEN : C'est vos 'divwèr ! Dj'el vous !
- CURE : Pwisqui vos î t'nez ! Dji v'hoûte mi-èfant.
- JULIEN : I n'a...i n'a lontins qui dji n'm'a pu k'fessé.
- CURE : Passans ! passans !
- JULIEN : Dji m'acuse d'avu fê pèchî : dj'a minti !
- CURE : Minti, m'fi ?
- JULIEN : Awè, père, dj'a minti par omission !
- CURE : Par omission !
- JULIEN : Deus-dj'el dire pwisqui vos l'savez bin ?
- CURE : Vos l'divez m'fi !
- JULIEN : Et bin vola...dji sos marié !
- CURE : (si lèvant) Qui racontéz-v's ?
- JULIEN : Mins ....
- CURE : Vos estez marié ! Bin dj'ennè r'vint nin !
- JULIEN : Vos l'savîz bin portant.
- CURE : Nèni hin dj'n'el saveus nin, nin du tout minme !
- JULIEN : Mins vos m'nez dè dire qui v's-estîz à corant.
- CURE : A corant, à corant d'vos ferdênes ave ules comères, avé !  
Min vosse marièdje ? Ca m'côpe bresses et djanbes.
- JULIEN : Quéle afêre !
- CURE : Vos l'avez dit ! Por quand Oscar va savu l'novèle !
- JULIEN : Mins 'n'el sarèt nin ! Qui est-ce qui lî direut don ?
- CURE : Mi ! Et tot fî dreut !
- JULIEN : Non, dji v's-ennè suploye!
- CURE : Sya ! Di pus', tot mintihant vos avez hapé.
- JULIEN : Haper ?
- CURE : Awè ! Come vos-estez marié, vos n'avez nin dreut a l'éritèdje d'Oscar !
- JULIEN : Mins ...
- CURE : Vos Julien, minteur et voleur !
- JULIEN : Minteur mutwè, voleur nèni !
- CURE : Pokwè n'av' rin dit quand v's-avez k'nohou l'testamint ?
- JULIEN : Dj'a volou l'fé et pwis Oscar a raviké et dj'a-st-avou sogno po.
- CURE : Sogno po vos' mon-n-onk ? m' mon-n-onk
- JULIEN : Awè ! l'émocion, ine richute ! Dj'a volou ratinde, apruster tot doûcemint m'mon-nonk et mutwè ...
- CURE : ET mutwè qu'Oscar vis-àreut tot l'minme leyi érité !

- JULIEN : Pokwè nin ! Li mariédge n'est nin anormâl ac'qui dj'sèpe !
- CURE : Vos avez rêzon mins Oscar est lîbe dè tchûsi qui qu'i vout come éritîr !  
Magré totes vos escusses, dji va prêm'ni Oscar !
- JULIEN : (avou fwèce) Nèni !
- CURE : Kimint don nèni ?
- JULIEN : Vos n'polez raconter mi k'fession ! Vos estez t'nou par li s'cret !
- CURE : (tot paf) Par tos les sints, v's avez rêson...mins adon dji n'vis donrè l'absolusion qui quand v's-arez dit l'vreye.
- JULIEN : Vos n'volez rin comprinde ! Dj'el dirès a Oscar mins nin asteure.
- CURE : Come vos volez ! Mins n'rouvîz nin : pont d'vreye, pont d'absolusion !
- JULIEN : (enn'alant mava) Allez-â djale !
- CURE : Atinsion d'î aler l'prumî, vos estez so bone voye. (tot seu) I n'fat-i Aaaaa..., dji n'lî a nin minme dimandé qui qu'esteut s'feume ! (i sorteye)

SINNE XXIII - JUSTINE - SUZY.

- JUSTINE : (intrans avou Suzy) Après vos.
- SUZY : Merci madame !
- JUSTINE : C'est pu vite mi qui v'divrecût r'merci
- SUZY : Mi r'merci ? Pokwè don madame ?
- JUSTINE : Mins po les dévoués swins qu'vos d'nez a mon-n-onk Oscar
- SUZY : Dji n'fê qui m'nestî madame !
- JUSTINE : Vos l'fé avou tél'mint d'coûr : on direut qui vos fé parteye d'el famille.
- SUZY : Oh, madame !
- JUSTINE : Ni m'loumez pu madame; après çou qu'vos avez fê, loukîz-m' come ine camarade et dihez Justine.
- SUZY : Bon mad..Justine.
- JUSTINE : Quand dji veus les prêm'nances qui vos-avez po m'mon-n-onk, dji comprend qu'Julien vis åye édi a cwiter l'Brésil.
- SUZY : (hagnante) Oi chère Julien !
- JUSTINE : Tote li famille vis estimeye å pu hêt pont !
- SUZY : Pinsez-v's ?
- JUSTINE : Dj'ennè sos sûre. Surtout Julien, avou s'caractère si sensibe.
- SUZY : (moquâte) ... si romanesque !
- JUSTINE : C'è-st-on si hinamé valet èdon, plin d'frankisté. I n'supwète nin dè vèyi minti !
- SUZY : Dji n'âreus mâye creyou !
- JUSTINE : Èt avou ça on coûr d'êr. I n'a rin da lu !
- SUZY : Ça c'est bin vreye !
- JUSTINE : Come vos l'veyez, c'è-st-on valet rimpli d'qualités catcheyes.

- SUZY : Eco fât-i les d'hoviet !
- JUSTINE : Dji v's-el dit frank'mint, si dj'n'estasse nin s'cuzène, dji creus qui dji m'âreut leyi tem'ter...
- SUZY : Vos n'sèrîz mutwè nin l'prumîre.
- JUSTINE : Fâ bin qu'djônesse si passe. Mins asteure, Julien riprusingte on bin bê parti.
- SUZY : I n'a des vreyes divint çou qu'vos d'hez.
- JUSTINE : Ah, si dj'esteus libe ....come vos, dji n'hep'treus nin a ....
- SUZY : A kwè ?
- JUSTINE : Mins a r'kwèri li k'pagnoye da Julien et mutwè qu'on djoû...
- SUZY : Qu'anivreut-i ?
- JUSTINE : Dji parvinreus à l'aminer a pîd d'l'até. Enfin ni sondgeans nin, ci n'est pu por mi, çou qui n'est ni vreye por vos èdon ?
- SUZY : C'est vreye, dji pous co fé des sondges.
- JUSTINE : Dji v'cwite savez asteur (tot sortant) a propos d'Julien, dè sondge al'réalité, i n'a qu'on pas !

SINNE XXIV - SUZY (tote seule).

- SUZY : (djoyeuse) Si ele saveut ! Ci pas la, vola câsi in-an qu'il est fêt. Enfin, come dji sos infirmière et qu'dji fê pârteye d'el famile, alans sognî nosse mon-n-onk (ele vout sorti).

SINNE XXV - SUZY - OSCAR.

- OSCAR : (intran) Vola l'pu bèle tinez !
- SUZY : Dji v'cwèrève moncheu l'baron. C'est l'êurê di vos pikûres
- OSCAR : Mins c'est vos m'médicamint. Dj'aveus l'cour en r'târd divant di v'ki-nohe. Asteure, i bate come ine ôrlodge !
- SUZY : Vos egzagèrez !
- OSCAR : Nin du tout. Dji n'sâreus pu m'passer d'vos.  
Suzy : l'ôrlodgî dè coûr d'Oscar.
- SUZY : Vos n'estez nin sérieux.
- OSCAR : Leyîz-m' rire alez ! A fwèce d'esse sérieux, on d'vint trisse.
- SUZY : Ni v's-énervoz nin, vos alez co fé monter vosse tension.
- OSCAR : (tapant s'cane è l'êr) Qu'ele monte mi cowe, ça l'frèt candgî d'êr !
- SUZY : Et vos-alez co avu des batemints d'coûr !
- OSCAR : Mi coûr ni bate qui por vos ! Prindez m'pêce.
- SUZY : Alè insi, dimanez tranquille.
- OSCAR : (Apiçant Suzy) Ha, ha, l'ôûhê est pris è sep. Et kwè qui di-st-i c'coûr la ?

- SUZY : (sayant di s'digadgî) Vos dim'noz sot sîrmint ! Dji n'vis crèyéve nin insi !
- OSCAR : Alè, calmez-v's, Oscar Tossou n'a mâye fê dè mà a 'ne pîjonèle
- SUZY : Lachez-m' ou dji brê !
- OSCAR : Ni fê nin l'sinte Nitouche ! L'infirmiêre deut esse à chervice di s'malade.
- SUZY : Po l'dienrinne feye : lachez-m'!
- OSCAR : Nèni bêté.
- SUZY : Vos l'arez volou : dji brê : A sec...

SINNE XXVI - LES MINMES + LI CURE.

- CURE : (intrant) Oscar ! Vix pourçê !
- OSCAR : (lachant Suzy) Curé, ni fê nin des djudgemints a l'laque hin!
- CURE : Têsse-tu supôt d'satan !
- OSCAR : Ti sé bin qui dj'sos on bon djale.
- CURE : Dji n'târeus djanâye creyeu insi...et vos non pu mamzèle.
- SUZY : Dji n'féve qui dè m'disfinde.
- CURE : Oscar, ti m'a dècu ! Avou'ne djône bacèle, a ti-adge ! Dji vous bin admète qui l'"démon d'midi" come on dit....
- SUZY : A si - adge, c'ereut pu vite li ci d'cinq eure savez !
- CURE : Oscar, a no di nosse vîle camaradreye, riprinde-tu djo!
- OSCAR : Mi r'prinde ? T'as bêt dire sés'twè.
- CURE : Oscar, ti vas prusinter tes escusses à mamzèle.
- OSCAR : Mins .....
- CURE : (kimandant) Oscar !
- OSCAR : Bon paret, pwisqui t'î tins tant. Mamzèle, dji v'prusinte mes escusses.
- CURE : A la bone eure. Et ti m'vas promète dè n'pu rataquer.
- OSCAR : Nin ça tot l'minne !
- CURE : (bouhant s'pîd a l'tère) Oscar ! Sinon dji n'ti djâse pu !
- OSCAR : C'est bin pace qui c'est twè. Curé dji t'promète dè n'pu rataquer ! Avou leye todis !
- CURE : Tâse on pêt qui c'bacèle la pôreut avu l'adge di t'feye ?
- SUZY : Di si p'tite feye minne.
- CURE : Vôreus' qui ça li arivah / Po 'ne feye a fé, sâye on pêt dèfé proûve di sintumint et respecteye li morâle.
- OSCAR : Leyans-l'a rèze va !
- CURE : Dji sé qu'tas tes défôts, mins dè mons, t'as 'ne grand quâlitè : ti respecteye ti panole. Adon, dji conte so t'siermint. A r'veuye (i sorteye).

SINNE XXVII - OSCAR + SUZY.

- OSCAR : Exigeant ! Mins on brave ome !
- SUZY : Eco bin qu'il a-st-arivé !
- OSCAR : Hoûtez, dj'aveus pierdou l'ïessesse. Dji n'sos q'ine vîle sotereye !
- SUZY : Mi qui v'veyéve si voltî !
- OSCAR : Rouvians ça alez. C'est vreye qui vos pônîz esse mi foye.
- SUZY : Vosse nèveuse todis !
- OSCAR : C'est ça, dji sèrès vosse mon-n-onk di souk' et vos sèrez mi p'tite nèveuse. Ca m'candgerèt di m'famile di rapace !
- SUZY : Julien ossi, on rapace ?
- OSCAR : Julien, lu c'-st-ôte tchwè.  
Julien, c'est m'fi !
- SUZY : Vos'fi ?
- OSCAR : Dji vous dire mi fi spirituél : i m'rance po tot !
- SUZY : Ca m'fê plêzâr di l'aprinde !
- OSCAR : (tapant ses djambes às'cou) Louke non di hu, tes ces évènements mi rindèt gayârd. Dji sins qui dji m'va payî l'tourneye dès grands ducs cuye al'nut. Awè, c'est décidé !
- SUZY : Oi n'est nin possipe ! Vos estez trop flêwe.
- OSCAR : Trop flêwe ! C'est çou qu'nos alans voyî. Por mi l'champagne, li caviâr et...les p'titès feumes so canapé.
- SUZY : Vos n'polez nin !
- OSCAR : Sia, sia. Dji va m'apruster (i sorteye tot breyant) Loulou, loulou...
- SUZY : Dji l'enn'èspêch'rèt bin (ole li sût à cou).

SINNE XXVIII - JULIEN - PWIS DGENNEVIRE.

- JULIEN : (intrant) Enfin ! On pô d'ahote ! Dji m'dimande kimint qu'dji va m'ni foû di ç'tâfêre la !
- DGENNEVIRE : (intrant) Oh! bondjou Julien !
- JULIEN : Bondjou mamzèle...mamzèle ?
- DGENNEVIRE : Vos n'mi roknohez nin ?
- JULIEN : Ma fwè nèni. Dji v'dimande bin pardon mins....
- DGENNEVIRE : Fé'ne pitite fwèce. Som'nez-v's ! Li tchestê d'Djulémont !
- JULIEN : Djulémont ? Mon dju, c'nest nin vreye ? Li p'tite Dgennevîre !
- DGENNEVIRE : Leye minme !
- JULIEN : Dji n'vis-areus m'aye riknohou !
- DGENNEVIRE : A-dj'télemint candgî ?
- JULIEN : Dji m'rapèle li p'tit pwèson qui .....
- DGENNEVIRE : V's-estez vrinmint Galand !

- JULIEN : Avouez qu'a c'moumint la vos m'cwèrî misère sins ahote !
- DGENNEVIRE : Sins ahote ! N'egsagérans rin !
- JULIEN : Les mâvas toûrs quiv'm'avez d'dja djoué !
- DGENNEVIRE : C'est vreye, i n'si passéve nou djoû sins qu'dji m'inventasse ine frêwe ou l'ôte ! Des biens bês sov'nis !
- JULIEN : Di totes manîres, les anneyes ont brâmint condgî li p'tite Dgennevîre.
- DGENNEVIRE : Vos trevez ?
- JULIEN : Dj'el vous creûre ! Dji cwite ine gamine et dji r'troûve ine charmante djêne feume. Totes mes félicitâcions !
- DGENNEVIRE : Flâteur va ! Et vos, qui dim'vez-v' ? Vosse cuzène vis présinte come on grand gazetî.
- JULIEN : Bah ! Dja brâmint voyagé, dj'a raconté çou qu'dj'aveus veyou, on m'a payî po l'fé et dj'a continuwé !
- DGENNEVIRE : Di wice rimn'nez-v's po l'moumint ?
- JULIEN : Dè Brésil !
- DGENNEVIRE : Li pays d'el samba !
- JULIEN : Qué ritme èdon çoula (et i s'mète a danter tot gruzinant).
- DGENNEVIRE : Dj'areus portant bin veleu v'veuye rim'ni d'l'Argentine !
- JULIEN : Pokwè don ?
- DGENNEVIRE : Po v'veuye danser l'tango !
- JULIEN : Vos inmez l'tango ?
- DGENNEVIRE : Mins c'est tote li passion d'el musique !
- JULIEN : Dji r'grête mins dji n'sé nin l'danser !
- DGENNEVIRE : C'est portant tot simpe. Loukîz (et ele apice Julien po danser son in-air qu'ele tarlateye).
- JULIEN : (qui s'a lî prinde a djou) Ewarant come ça va !

SINNE XXIX - JULIEN - DGENNEVIRE - DESIRE.

- DESIRE : (intran) Et kwè, c'est l'championat d'danse di sâlon ?
- DGENNEVIRE : Vos m'avez fê sogne !
- DESIRE : Bondjou Dgennevire ! Dji veus qui vos avez grand plêzir a v'ritrover vos deus !
- JULIEN : Wardez vos atotes per vos ! Bon ! I fat qu'dj'onnè vaye. A r'veuye Dgennevîre.
- DGENNEVIRE : Nosnos veurans d'min, vosse cuzène m'a propôsé dè d'mani quéques djous avou vos-ôtes.
- JULIEN : Ooh! Djisqu'a d'min insi !
- DESIRE : Li binamé Julien, li si binamé Julien.
- DGENNEVIRE : Vos m'escuserez mins dji m'sins on pô nâheye !

DESIRE : Dji v'sè preye (ele sorteye).

SINNE XXX - DESIRE PHIS LOULOU.

DESIRE : Ci n'est nin l'tot ça ! Mi, m'fâreut mes massêdges (i brêt) Loulou....

LOULOU : (è coulisse) Awè moncheu ?

DESIRE : Avoyîz-m'on pô l'infirmiêre alez !

LOULOU : (è coulisse) Bon moncheu !

DESIRE : I m'sonle qui cisse sêance di massêdje va esse mêmorâbe. I fâ-st-admète qui l'infirmiêre n'est nin mâ....mins adon nin mâ du tout.  
Dji deus rik'nohe qui Julien a todie avou fwèrt bon gosse...Sacri Julien va !

SINNE XXXI - DESIRE - SUZY.

SUZY (intrant) Vos m'avez fê d'mander ?

DESIRE : Awè manzèle. Li docteur Romy m'a s'orî des massêdges et c'è-st-a vos qui'ji deus m'adressî!

SUZY : Dji sé. I alans-n's ? Ritrossîz les djambes di vos'pantalou et mêtez on pîd chal.

DESIRE : Dji hoûte, dji trosse et dji mète !

SUZY : (ataquant a masser) C'è-st-a sohêti qui c'trêtmint chal vis frêt dè bin.

DESIRE : Awè sûremint ! Et quand dj'arès r'trové mes bons molêts, dji creus qu'dji m'mètrès el coûse avou Julien

SUZY : Julien fêt des spôrts ?

DESIRE : I tchêsse èdon vos !

SUZY : I tchêsse ?

DESIRE : I tchêsse après les cotes !

SUZY : Oh (ele bouhe so l'molet ! çou qu'ele frêt co quèques côps)

DESIRE : Et dji deus dire qu'i s'î knohe ! eco tot asteure !

SUZY : Qwè tot asteure ?

DESIRE : Et bin, Julien avout 'ne touche

SUZY : Il avout 'ne touche dihez-v's ?

DESIRE : Awè, et 'ne bèle èco ! Cisse dgennevîre esteut on bê côp d'herna !

SUZY : Oh (patch)

DESIRE : Li capteure n'aveut nin l'êr di trop' i s'kibate . Il est vreye qui Julien l'sèrêve tot conte di lu ! Ha ! i n'âreut savu l'piède alez (Suzy bouhe co Hè ! doucemint bête ! Dji n'sos nin d'pîre .Dgennevîre esteut bin pu doûce avou m'cuzin Julien (patch et patch). Mins dji va leyî Dgennevîre po Julien. Dji creûs qu'dj'a trové on pus-âpétihant djibî! Dji n'a

d'aveurs qu'a m'abahî po atraper ine bèle pitite poyète (el'fêt)

SUZY : Lachez-m', lachez-m' vis di-dj' !

DESIRE : (fiestant) Et kwè, on n'inme nin li binamé Désiré ?

SUZY : (si d'gadgeant) Ca sufih' !

DESIRE : Ni v'mâv'le<sup>z</sup> nin èdon, vinez !

SUZY : Assez! Vos n'estez qu'on fâ djubet ! (lî d'nant on pètardè visèdge)  
Vola po fini vos massèdges!

DESIRE : Ca, vos m'el pâyerez (i sorteye).

SINNE XXXII - SUZY PWIS LOULOU.

SUZY : Quéle famile ! Vrinmint 'ne mohone di sots ! I n'tusèt qu'a ça !

LOULOU : (intransant avou 2 smokings) Eskusez-'m savez mamzèle, dji n'fê qudè passer.

SUZY : Qui pwertez-v's la don ?

LOULOU : Des smokings èdon suremint !

SUZY : Des smokings ? Poqwè fé don ? N'areut-i on gala à tchestê ?

LOULOU : Nèni èdon ! C'est les djamas dâ baron et da moncheu Julien !

SUZY : Et il ont dandgî d'leu djama ouye ?

LOULOU : Fâ creure èdon pusqu'i moncheu l'baron m'a dit come ça "cocote, cocote c'est mi, aprustez mi smoking et ossi li ci di c'vârin d'Julien. Ouye a l'nut' nos sortans".

SUZY : Nos sôrtans ?

LOULOU : Awè mam'zèle. Li baron et moncheu Julien fèt 'ne grande vîreye el veye. Tos les deus ! come des djones-omes !

SUZY : Mon Dju !

LOULOU : Dji m'dispêche ôt'mint moncheu l'baron ni sèrèt nin contint. A vîreye mam'zèle ! (ele sorteye)

SINNE XXXIII - SUZY TOTE SEULE.

SUZY : (mâle) Julien ! ratindez qu'dji v'tinse. Mi fé ça a mi, si feume.

Dji n'n'sé çou qui m'ratind d'el planter la ....I tirreut s'plan tot seu avou s'tchestê, si tite et s'famile. Li mintêûr...li tricheûr.....

Li voyou, li bandit...li, li.....(ele apice on vase et l'sipeye)

(tote saiseye) Mon Dju, li vase ! Dj'a spyî l'vase dè Tonton ! Catchans-l' bin vite ! (èle ramasse les bokèts et va po les mète divins 'ne poubèle podri 'lbar- come el ètind m'ni 'ne sakî, ele dimane catcheye podri l'bar)



SINNE XXXIV - SUZY (catcheye) - LOULOU - JULIEN.

- LOULOU : Vola tot a fê est prêt !
- JULIEN : (intrançable) Ah: vos v'la Loulou. Dji sos contint di v'veuye.
- LOULOU : Mi ossi moncheu Julien !
- JULIEN : Dj'a mèsâhe d'on p'tit cêp d'min.
- LOULOU : Todis a vos 'disposicion èdon moncheu Julien.
- JULIEN : Dj'arès mèsâhe d'on p'tit cêp d'min po atêler m'flokot.
- LOULOU : O awè moncheu Julien. Dj'arèdje d'atêler les flokèts !
- JULIEN : Vos vinrez è m'tchambe quand dji v'houkrè !
- LOULOU : (pâmeye) Moncheu Julien, è vosse tchambe ?
- JULIEN : Bin awè, dji n'va tot l'minme nin m'moussî chal è sâlon !
- LOULOU : (alant vers lu) Oh nèni moncheu Julien ! Dj'îrès atêler vos'flokot è vosse tchambe.
- JULIEN : Vos-estez binameye. Merci Loulou.
- LOULOU : (todis pu près) Et si vos l'volez dj'îrès disfè vos'flokè...è vosse tchambe !
- JULIEN : (rècoulant) Loulou, qui v'print-i?
- LOULOU : (lî mètant ses mins a hatrê) C'est qu'dji sé esse fwèrt doûce moncheu Julien.
- JULIEN : Dihez Louisse !
- LOULOU : Fwert doûce et cadjeleûse moncheu Julien !
- JULIEN : Mins....mins....
- LOULOU : Leyîz-v's aler moncheu Julien (ele lî potche à hatrê et i basculèt tos les deus ènon fôteuye dismètant qui l'notère vint d'intrè tot fant si-inventêre).

SINNE XXXV - LES MINMES + LI NOTERE.

- NOTERE : On canapé..on paravant....(arivant so les ôtes qui m'nèt dè basculer) Ekscusez-m' ...(et i continowe) Ine tâfe "régence", 2 fôteuyes....
- JULIEN : (qui so l'intrifèt' a tchoûki Loulou èvoye, dit a cihal) Sortez !
- NOTERE : (qu'a fê minsion d'rin)...on bar, on chervice a vères, ine carafe,... ine infirmière...ine infirmière ?
- JULIEN : Ine infirmière ?
- SUZY : (si monstrant) Awè ine infirmière ! (alant so Julien) Vos pa ! Dji n'sos nin co prête dè rouvî çou qu'dji vins dè veuye : c'est honteux !
- JULIEN : Mins enfin Suzy, i n'a mèprise !
- SUZY : Mèprise ! Et ça, enn-est-ce eune di mèprise ? (ele lî done onpêtard)

- JULIEN : (qui n'est nin ome a s'leyi fé) Ah nèni, nin çoula (i dare so Suzy, el kiheut et l'hène ènon fôteuye: èle si mète à tchoûler).
- NOTERE : Moncheu , permètez-m' dè v'dîre qui tot çouchal est foû mèsure! Dj'âreus d'vou dire foû des règues !
- JULIEN : Vos l'nah'teu, mèlez-v's di vos afêres !
- NOTERE : Moncheu, dji n'vis permète nin...nèni, dji n'vis permète nin !
- JULIEN : Sôrtèz !
- NOTERE : Dj'ennè va mins po prémni moncheu l'baron ! Nos veurans bin çou qui pinserèt di vosse fason d'adgi !
- JULIEN : C'est ça ! Bin des complumints (el tchoûke foû d'el plèco).
- NOTERE : Moncheu, dji n'vis salowe nin !

SINNE XXXVI - JULIEN - SUZY.

- JULIEN : Asteure, a nos deus !
- SUZY : Surtout, n'madressîz pu l'parole !
- JULIEN : Calmez-v's et eksplikez-v's. Qu'avez-v's a m'riprocher ?
- SUZY : Bin vos avez en fameu toupet !  
Et Loulou la asteure ? Et terate Dgennevîre?
- JULIEN : Dgennevîre ?
- SUZY : Awè Dgennevîre ! Vosse binamé cuzin Désiré m'a m'nou tot raconter !
- JULIEN : Dji n'sé çou qu'il a polou raconter mins ....
- SUZY : Mins kwè ? I v's-a veyou d'vins ses bresses !
- JULIEN : Oh c'n'est qu'ça ! Et bin dji v'va dire tote li vreye !
- SUZY : I n'makreut pu qu'ça !
- JULIEN : Vos savez bin qu'mi et l'danse ...
- SUZY : Awè et après ?
- JULIEN : Après, c'est tot simpe ! Dgennevîre mi djâsève des danses sud-amérikinnes, et ine danse aminant ine ôte nos 'nn'avans arivé à tango. Dgennevîre a volou m'aprinde et...Désiré a intré qui nos-estîz onk disconte di l'ôte.
- SUZY : Dji veus : c'esteut l'contredanse !  
Co bin qu'vos n'aprinîz nin "l'dècadanse"!
- JULIEN : Ni v'mokez nin alez. Dji v'djeure qui dj'dis l'vreye.
- SUZY : Dji v'vous bin creûre magré qui...mins Loulou la tot asteure, dj'a veyou tot.
- JULIEN : Si v's-avez tot veyou, vos avez ossi oyou tot!
- SUZY : Bin sûr !
- JULIEN : Et v'trovez naturel qui po on floket, Loulou m'potche à hatrê et cwîre a m'rabressî ?

- SUZY : (radoucie) Mutwè bin mins....
- JULIEN : Hoûtez en pô, dji n'a d'keure di cisse bacèle et d'ayeûre, si dj'aveus ideye d'ine avinteûre, ci n'est nin chal qui dj'el cwîreus.
- SUZY : A perpos, qu'est-ce-qui c'est qui cisse vîreye avou l'mon-n-onk Oscar? Cisse vîreye di "djônes-omes"?
- JULIEN : C'est co 'ne sote ideye da Oscar § Et quand 'l'a 'ine ideye è l'tiesse, i n'l'a nin ôte pâ savez !
- SUZY : Ca v's-arindge qu'est-ce-ti sûr ?
- JULIEN : (tinrûle) Pitite sote ! Vos savez bin qui dji n'inme qui vos !
- SUZY : Qui vos d'hez.
- JULIEN : (lâhêtchant |Mi p'tite feye....Tot çoula n'est rin a costé d'noste amour.
- SUZY : Vos avez rêzon ...mins adon promêtez-m' di n'nin sôrti avou vos'mon-n-onk.
- JULIEN : Mins m'trésôr...
- SUZY : Julien !
- JULIEN : Bon dji v's-el promète (i s'rabrèssèt à moumint qu'Oscar inteure avou l'notère).

SINNE XXXVII - JULIEN - SUZY - OSCAR - LI NOTERE.

- OSCAR : Ha, ha, ha ....sacré Julien va....(a notère) C'est ça vosse dispute ?
- NOTERE : Dji n'mî r'trouve pu....I n'a en moumint...
- OSCAR : C'est bon Notère, ti veus bablous (a julien) Dji contève ti trover qu'ti dôpinéve mi infirmière !
- JULIEN : Cou qu'vos avez pinsé la ....
- OSCAR : Ca m'âreus èwaré ossi ! Avou les feumes, t'âreus pu vite les doucès manîres d'el famille ! Mins haper l'infirmière da t'mon-n-onk, C'è-st-ôte tchwè....
- JULIEN : Dji n'voléve nin savez ...
- OSCAR : Ni t'tracasse don nin po çoula !  
C'est c't'choûlà la d'notère qui s'aveut co mètou des ideyes è l'tiesse veusse ! (a notère) Po on tchôd mâye, c'è-st-on tchôd mâye hin notère ! Cri sint meye ! quéle vigueûr ! Dj'aveus bon d'el loukî!  
Nin twè ?
- NOTERE : Moncheu l'baron, vos estez grossîr ! mi nin ! Dji n'sareus veuye ça!
- OSCAR : Sère tes ouyes d'abord ! (AJulien) Bon, ci n'est nin tot ça ! Estans-n's prêtes po nos'guindaye ?

- JULIEN (dginné) C'è-st-a dire mononk' qui dji n'mi <sup>nin</sup> sin trop bin. Dj'inm'reus ottant d'mani chal.
- OSCAR : Nin d'ekscusses mon cadet. D'axeûre li champagne ti r'mètrèt so pîds !
- JULIEN : Et pwis vos-minme mon-nonk , i fât loukî a vosse santé.
- OSCAR : Rin d'tot ça ! Im'va, on n'sareut mî !
- JULIEN : (tchoûki par Suzy) Portant mam'zèle Suzane mi d'héve qui vos n'divîz nin v'fé nâhi !
- OSCAR : Mam'zèle Suzane va esse binameye et s'ocuper d'sds drougues !  
Nos deus, nos 'nn'alans ! Alé rote avou mi ! Nos-irans nos moussî !
- JULIEN : Pwisqui vos l'volez ...
- OSCAR : Et n'fê nin cisse tiesse la. Nos n'alans nin a in-ètermint pinse-dju !  
Nos-alans pu vite distèrer m'veye di djêno ome. Alè, passe divant.  
(Julien sorteye).  
Hè Notêre ! T'el mètrès so in-ake: Cisse nut'chal sèrèt l'nut' da Oscar ! On 'nnè djâserèt tot costé ! (I sorteye)
- SINNE XXXVIII - SUZY - NOTERE.
- SUZY : (triplant) Dji boûs ! Julien d'vant s'mon-n-onk, què plat d'mosses !
- NOTERE : Mam'zèle, permètez-m' dè compati...Dj'areus d'vous dire dè m'assocyi a ci sintumint si vivemint eksprimé....
- SUZY : (foû d'leye) Di kwè v'mèlèz-v's don vos ?
- NOTERE : Dji v'preye d'agrèyî mes pu platès ekscusses mins dji pinsève vis esse agréâbe tot..
- SUZY : (a bout) Kimint ! Vos ossi ? Mins dj'enn'a diqu'al copète d'el tchèsse mi d'totes vos-êrs ! (ele lî done on pêtard) Tènè, vola po v'rifreudi ! (li notêre tome assis dismètant qui l'irdô s'serre)/

III<sup>inmo</sup>AKE.

SINNE I. - SUZY PWIS DGENNEVIRE PWIS LOULOU.

(Quand l'teûle si lîve, li sinne est vude, les tentûres sont hêchies et nole lampe ni va. I fê neûr nute).

- SUZY : (intransant en pyjama) Ci côm chal, i n'mi frêt pu creûre qui n'a mâye lodgi foû ! (ele alume li lampadêre). Mon Dju dê quèle nut ! Dji n'rimousse pu è lét, dji va les rawâde chal (ele distind et s'assît).
- DGENNEVIRE : (intransant leye ossi en robe di nut') Ci n'est pu possibe ! (ele si lét touner djusse so l'hôt da Suzy).  
Aaaah!
- SUZY : (alumant) Qu'est-ce qui c'est ?
- DGENNEVIRE : Vos m'avez fê sogne !
- SUZY : A-t-on ideye ossi dè s'porminer d'el nut' !
- DGENNEVIRE : Vos l'fîz bin vos !
- SUZY : Pardon, dj'esteûs assîte.
- DGENNEVIRE : Et d'avant di v's-assîr ?
- SUZY : Dji n'saveus pu dwermi !
- DGENNEVIRE : Tins, c'est come mi !
- SUZY : Mi, ça s'comprend ! Dji sos responsâbe d'el santè da moncheu l'baron. Les eksès pôrît l'touwer.
- DGENNEVIRE : Mi, dj'n'a nin dgéri ! Dj'esteûs m'nowe cwèri d'el bicarbonâde !
- SUZY : Qui ratindez-v's adon ? Li couhène est djondant !
- DGENNEVIRE : Dj'î va...(et a moumint qu'ele droûve l'ouhe d'el couhène).....
- LOULOU : (di s'couhène) C'est vos m'coco ? Vos m'nez po vos'flokèt ?
- DGENNEVIRE : Qu'est-ce qu'est la ?
- LOULOU : (intransant) C'est drole ! Dj'ennè ratindève deus-ôtes !
- SUZY : I n'a nin qu'Oscar et Julien qui pasèsent des blankès nutes.
- LOULOU : Mi, on m'a d'né l'ôrde dè rawâde! Moncheu Julien a mèsâhe di mi po disfé s'flokèt.
- SUZY : Ci n'est nin vreye, Julien....euh. Moncheu Julien ni v's-a rin d'mandé! Vos v's-avez imposé !
- LOULOU : I n'a nin des impôts la d'vins !
- SUZY : Nèni mutwè! C'est vosse contribution à l'famille !
- DGENNEVIRE : Di qué dreut djâsez-v's insi di Moncheu Julien don vos-ôtes ?
- SUZY : Vos l'danscûse di tango, mêlez-v's di çou qui v'rigarde !
- DGENNEVIRE : Mam'zèle, vos n'savez nin a qui qu'vos djâsez sûremint !  
Wârdes vos distances!
- SUZY : Sèpez qui l'av'ni et l'santè da moncheu Julienmi compètèt pus' qui n'importe qui ?

- DGENNEVIRE : Les pikûres da moncheu l'baron, les molets da moncheu Désiré, et asteûre li santè da Julien. C'est pus'qu'ine afêre di famille, c'è-st-on monopole !
- LOULOU : Mi dji n'm'occupe qui d'moncheu Julien, partagez-v's li resse !
- DGENNEVIRE : Bin vos-estez 'ne moinde efronteye !
- LOULOU : Si dj'comprend bin, nos estans turtotes chal po l'minme rêzon!
- DGENNEVIRE : Alans don nos 'coûkî totes les 3 !  
(ele ennè vont chaskeune po'ne pwète pwis rinnèt so les bètchètes di leus pîds si tournant l'cou po serer l'ouhe sins fé nou brut).
- SUZY : (si n'tournant l'prumîre) Ci n'dst nin possible dé continuer insi ! D'ottant pus'qui vos l'la 5 eures ! I n'tâdgeront pu dè rintre.
- LOULOU : Djouwans chaskeune nosse tchance !
- DGENNEVIRE : D'akwerd ! Mi, dji ratind (ele s'assid è canapé.)
- SUZY : Vos n'dimeurrez nin tote seule ! (ele va tot près)
- LOULOU : Dj'a d'manou so pîds disqu'asteure. Dji n'sos pu so ine eure près!  
(ele s'assît djondant des ôtes. Eune di zèles distind l'loumîre et eles s'èsoktèt. On ètind ine ôrloge qui bate li seconde....  
pwis l'caryion...7 eures....pwis l'ôrlodge...li caryion...8 eures).

#### SINNE II - LES MINMES PWIS OSCAR ET JULIEN.

- JULIEN : (intrant suvou d'Oscar. - I hossèt tot les deus - Julien s'trèbouhe).  
Atinsion ! I n'a 'ne marche !
- OSCAR : Tant qui c'n'est nin l'marche nuptiale !
- JULIEN : Li cafè est serré. On a cûpé les loumîres !
- OSCAR : C'è-st-impossible ! On a hapé l'solo !
- JULIEN : I fât prém'ni l'police.
- OSCAR : Hêche todis les ridôs pwis ti houkrès l'police !
- JULIEN : Bon, dji s'aye. (i s'trèbouhe divint on fêteuye). Pardon, Madame !
- OSCAR : Et kwè ? Est-ce po ouye ?
- JULIEN : Qui l'loumîre seuye et...(i hêche les ridôs) l'loumîre fourit !
- OSCAR : Alè, dji p'aye li dienrin.
- JULIEN : Eco onk ? ( i veut les foumes) Tins, vola les cherveûses !
- OSCAR : (A suzy) Mamzèle, li cafè è-st-i todis droviet ?
- SUZY : Fêreut sayî dè nin confonde !
- OSCAR : Ooch, madame est l'patrone ! ( A Dgennevire) Thervez nos deus cognac et ocupez-v's di m'camarâde. ( A loulou) Vos poyète, vos'sorîre serèt por mi.
- LOULOU : Tonton, dji n'sos nin vosse poyète, mins vosse cocote !

- DGENNEVIRE : Si fé trêti insi : ine Djulémont !
- OSCAR : Kimint d'hez-v's ? Djulémont ? Mon-sès poyes ? Poy-èdges di bâte ?
- DGENNEVIRE / Bâte di wèdge ? Wès'reus-dje bin ???  
OSCAR : Monccu di Hôtèsvègnes!!  
LOULOU / Hôtèsvègnes...vègne tot'chal...Chal conte mi...  
SUZY : Tonton, vos v's-énervéz!  
JULIEN : Qui s'énervé!  
 (a Suzy) Vos, v's-estez mons douce qu'Olga !
- SUZY : Olga ?
- JULIEN : Awè, Olga li suédwèse, li cherveuse dè "Lapin qui tousse".
- LOULOU : Vos avez trové 'ne robète qu'aveut on freud ?
- JULIEN : Wè bichète !
- OSCAR : Dji n'kinohève nin les suédwèses mins adon la !
- JULIEN : Et mi qui les a knohou, dji sos rimnou n'piède às Hôtèsvègnes
- OSCAR : Às Hôtèsvègnes, oi n'est nin mâ non pu sé-s' po l'moumint !
- JULIEN : Nin mâ, mins soyant !
- OSCAR : Soyant ?
- JULIEN : Loulou qui m'ratind po disfé m'flokèt...Fut! Djondowe! Pwis i n'a mi f'..mi..enfin voste infirmière ! Fut! Dodo tote seule ! Et Dgennevîre no leye qui ratind s'prumîr-amour! Hi, hi, hi, rouvê !
- DGENNEVIRE : (darant so Julien et lî d'nant on pêtard) Vola po l'prumîrèamour!  
 (èle sorteye).
- LOULOU : (fan t'paroye) Vos tirrez vos'plan avou vosse cravate ! (ele sorteye) .
- SUZY : Dji va dwermi tote seule ! Vola po l'infirrière ! (pêtard) et vola por mi (eco onk! et ele sorteye).

SINNE III - OSCAR - JULIEN.

- OSCAR : Nin fwert amistâves les Suédwèses !
- JULIEN : (câsi dissôlé) Mins nos-estans à tehestê!
- OSCAR : Les Suédwèses ni sont nin suédwèses ?
- JULIEN : Les Suédwèses : Suzy, Dgennevîre, loulou!
- OSCAR : Li harem dè sultant di Hôtèsvègne.
- JULIEN : Ci c'ôp chal non-nonk
- OSCAR : I n'mâque pu qui l'notêre, nos arîz l'grandreunuqûe!
- JULIEN : 'l'est bon insi no asteure !
- OSCAR : Et si l'curé estasse chal, nos arîz...
- JULIEN : Nos arîz 'ne bele pièce di 2 francs !
- OSCAR : Po l'pu sûr des kilomètes di tchapelets à dire po nosse pénitince.

SINNE IV - OSCAR - JULIEN - LI CURE.

- CURE : (intrant) Qui s'passe-t-i don chal ?

- OSCAR : Veu-s' pa! On n'djâse mâye dè curé sins li veyo si narène!
- CURE : Mins Oscar, t'es roud mwèrt sô !
- OSCAR : C'est bon hin curé ! Ni vint nin fé t'tiesses des grands djoûs !
- JULIEN : Moncheu l'curé, ekscusez nos mins....
- OSCAR : Ti va beure eune avou nos-ôtes tins curé !
- CURE : Oscar, t'es se bone voye po t'dâner !  
Et çou qu'est l'pé, c'est qu't'entrênoye ti nèveu avou twè !
- OSCAR : On veut bin qu'ti n'el kinche nin....Po çou qu'est d'l'entrênamint....
- CURE : E-st-i Dju possible ! Quand dji v's-a veyou rimni adon qu'dji sortévo  
di basse messe. Dj'ennè croyève nin mes 2 ouyes.
- OSCAR : Twè curé, t'es co pé qu'Sint Thomas !
- CURE : Sint Thomas ?
- OSCAR : Weye hin ! N'est-co nin lu qu'a dit qu'el falève veyo po l'creûre !
- JULIEN : Ci cêp chal mon-n-onk, vos alez trop long.
- CURE : Leyîz-l' dire Julien ! Nos veurons s'il arêt l'hasse d'aler long  
assez.
- OSCAR : On hôtêsvègnes ni va mâye long assez, ni assez hôt !
- CURE : Oscar, dji n'sé nin çou qu'vos avez fê mins a m'sonlon, i s'âret  
d'vous 'nnè passer des bèles!
- OSCAR : Ca po 'nnè passer des bèles, ti pou compter se nos-ôtes! Nos mn'avans  
minme dispasser nole. Nos l's-avans totes passé en r'vue !
- JULIEN : Mon-n-onk, i varent mî qui vos v's-alahîz coûkî !
- OSCAR : Mi coûkî quand l'solo s'lîvo ! T'es d'el bone anneye twè!Alè, chèvo  
nos on vère !
- CURE : Oscar vâs'dwermi! Nos r'djâserans d'tot çoula quand ti s'êrê sêve !
- OSCAR : Fâret bin, ca come t'es la, on n'sâreut rin avu d'hon foû d'twè!

SINNE V - JULIEN - LI CURE - PWIS LUCIEN .

- CURE : Vos 'mon-nonk Oscar e-st-en trin dè rwiner s'santé !
- JULIEN : Vos l'kinchez ossi bin qu'mi. Quand i vout fé 'ne sakwè, in n'a personne  
a l'discorèdgî !
- CURE : Todis 'nn' è-st-i qui oisse manîre dè fé ni m'êware qu'a mitant po  
Oscar, mins di vosse pèrt, Julien, c'è-st-impardonâbè !
- JULIEN : Moncheu l'curé, on n'résisteye nin a mon-n-onk Oscar, on l'hoûte!
- LUCIEN : (intrans)On 'nnéfé d'l'aredge chal ! (veyant l'curé) Oh, Bondjou  
moncheu l'curé. Vos estez bin timprou m'sonle-t-i ?
- CURE : Bin awè, moncheu Lebosse, i n'a nole eure po les brâves èdon !
- LUCIEN : Vos avez rêzon moncheu l'curé, mins ci n'est nin ine eksplicâcion!Et  
pwis Julien la qui n'a nin l'ôr d'esse è s'assiète !



- JULIEN : O vos l'P.D. dji n'sé kwè! Leyîz m'trankile !
- CURE : Julien, calmez-v's mi-èfant !
- LUCIEN : Leyîz l'dîre moncheu l'curé. Julien parèt' avu fwerci so l'boteye!
- JULIEN : Vê mî de fwerci so l'boteye qui d'fwerci so l'portefeuye des ôtes !
- LUCIEN : Moncheu, di qué dreut ?
- JULIEN : Dè dreut dè pu fwèrt minus !
- CURE : I n'sé pu çou qu'i dit !
- JULIEN : Oh sya dji'sé bin çou qu'dji dis : Lucien Lebosse. P.D.G. des coreus d'dot'!
- LUCIEN : Ca vè todis mî qui dè toumer d'vins les brèsses di totes les feumes dè tchestê!
- JULIEN : Vas'tu r'coûkî va barlafêd! 'na t'plèce qui r'frcûdik' djondant d'el pôve Justine.
- LUCIEN : Ni fé nin insi moncheu ! Dji sos marié mi: légalement et dji sos fidèle à m'feume !
- JULIEN : Et mi ossi moncheu ! Dji sos marié et fidèle.  
(li curé tape ses brèsses é l'èr)
- LUCIEN : Marié ?? Vos-estez marié ! mins ça candge tot çoula ! Dji m'va voveye çou qu'Oscar enè pinse ! (i sorteye).

SINNE VI - CURE - JULIEN.

- CURE : Mâlureus, vos m'noz d'annonci qui v's-estîz marié !
- JULIEN : Bon Dju, dji n'sé minme pu çou qu'dji dis.
- CURE : Di tote manîre, dji v'done l'absolution : Vos avez dit l'vreye !
- JULIEN : Moncheu l'curé, qui va-dje dimni ? Dj'a tot pierdou et dji m'sins dimni malåde.
- CURE : Ça c'est l'bwason. Dji va houkî Loulou...Loulou...loulou...
- JULIEN : Ooh, ça toûne....
- CURE : Li ci qui s'chève di l'espeye, pèrirrèt par l'espeye.
- JULIEN : Kimint ?
- CURE : Li ci qui s'chève d'el boteye, pèrirrèt par li boteye !
- JULIEN : Qui est-ce qu'a dit ça ?
- CURE : Qui qu'a dit ça ? Sint-Emilion !

SINNE VII - CURE - JULIEN - LOULOU.

- LOULOU : (intransant) On m'a houkî ?
- CURE : Awè mi-èfant, c'est po moncheu Julien.
- LOULOU : Ooh, dji deus m'ocuper di s'flokèt !
- CURE : Di s'flokèt ?

- LOULOU : Dji saveus bin qui n'mi roûvirreut nin ! Dji va monter avou lu è s'tchambe !
- CURE : Par les clavicules di Salomon, c'est co pé qu'Sodome et Gomorrhe !
- LOULOU : Gomorrhe, dji n'el kinohe nin, mins Bonome dimane è viêdge djondant !
- CURE : Awè djo c'est bon. Vos alez seulemint apruster ine sakwè po êdf moncheu Julien ad'djèri : il è-st-indispôsé!
- LOULOU : Pêve pitit Julien, dji wadge qui c'est come si mon-n-onk:il a 'ne prostate !
- CURE : Nom di ...! Vos finih'roz par mi fé Djurer. Fé çou qu'on v'dit et puis c'est tot.
- LOULOU : Come vos vôrez moncheu l'curé.

SINNE VIII - LES MINNES + OSCAR ET LUCIEN.

- OSCAR : (intrant sùvou d'Lucien) Qu'est-ce qui dj'apriend gamin d'merde ?
- JULIEN : Ben....ben....
- CURE : Oscar, dimane goû. Tûse à t'tension !
- LOULOU : Tonton, vosse prostate !
- OSCAR : Leyîz-m' trankile ! (a Julien) Tot çou qu'on vint di'maconter est-ce li vreye ?
- LUCIEN : Dji n'vis-a mâye minti mononk !
- OSCAR : Têsses-tu Lucien ! Et Kwè Julien ?
- JULIEN : Et bin awè, c'est l'vreye : dji sos marié.
- OSCAR : Marié ! Twè Julien, li ci d'vins qui dj'aveu mètou tot mes espèrs.
- JULIEN : Ci n'est tot l'minne nin on crime d'esse marié!
- OSCAR : Oscar, Julien a rêzon.
- OSCAR : Nin quand on s'lome Tosseu ! On Tosseu dimane....tot seu !
- LUCIEN : Vos-avez rêzon mon-n-onk', i fât porsûre les tradicions !
- CURE : Et vola kinint qu'les vîs djônes-omes si perpétuèt di gènèracion a gènèracion!
- OSCAR : Têhiz-v's cint milliards, vos n'racontez qu'des biestreyes. Dj'enn'a assez di totes vos couyonâdes ! Dji vous bin blaguer mins nin avou des gravès afères !
- LUCIEN : Come di djusse !
- OSCAR : Dj'a todis louki Julien come mi fi. Tot çou qu'dj'a divêve lî rim'ni. Ine seûle condision : sûre mi vôye et d'mani djône ome ! Dji volêve qui gostasse tos les plêzirs et qu'i pwèrtasse hôt li agnîre des omes sins feumes ! Et bin nêni ! L'ènonint n'a polou résister âs atrêts dè mariêd-ge. Qu'ennè pàye les consékinces. Il est marié, i n'âret rin. Oscar di hotèsvègnes n'a qu'ine parole : Bon song' ni pout minti ! (i tome ènon fôteuye).

LOULOU : Tonton n'est nin bin !  
LUCIEN : Alez'cwèri on docteur!  
LOULOU : Bon moncheu (ele sorteye).

SINNE IX - LES MINMES MONS LOULOU.

OSCAR : Ci n'est nin dè docteur qui dj'a dandgî !  
CURE : Oscar, t'as mèsàhe di mi !  
OSCAR : Nin ce asteur curé ! C'est l'notère qui m'fàreut veyî!  
LUCIEN : Volez-v's qui dj'el houko ?  
OSCAR : Awè, min ni t'rafeye nin trop vite !  
LUCIEN : Mon-n-onk' les'quélès pinseyes qui vos m'prustez la !  
OSCAR : Lucien, ti sé bin qu'on n'ti prusteye m'aye rin. Alè, dispèche tu !  
LUCIEN : Dj'î cours (i sorteye).

SINNE X - CURE - OSCAR - JULIEN.

CURE : Oscar, qui conte-tu fé ?  
OSCAR : Ca n'ti r'garde nin ! Mins dji vas tot l'minme t'el dire. Del manîre dont m'testamin a stu fê, mes agrapes di nèveus àront 'ne trop bone part et ça, ça n'mi va nin trop ! Tote mi forteune i èt a l'seûle dgin qui n'ma nin ce djondou !  
CURE : Oscar, t'c-st-on brave one. Dji saveus bin qu'on djoû, ti riknoh'reus mes mèrites. e  
OSCAR : Curé, ni creus pu às mirâkes hin !  
CURE : Ah bon, dj'aveus conté qui ....  
OSCAR : T'aveus conter l'oû è cou d'el poye mins èle ni ponrèt nin parèt ! (monstrant Julien) Po cila nin pu veusse ele ni ponrèt nin !  
CURE : Pôve valet ! Esse puni po avu r'mètou di skwère ine situacion qui n'l'es-teut nin!

SINNE XI - CURE - OSCAR - JUSTINE - DESIRE - LUCIEN - REGINE - PWIS L'NOTERE.

OSCAR : (veyant intrer ses 4 nèveus et nèveuses) Qu'est-ce qui c'est d'totes ces dgins la ?  
JUSTINE : Mins mon-n-onk, nos v'nans prinde des novèles di vosse santé. N'avez-v's nin stu dèrindgi ?  
OSCAR : C'est quand dji v'veus qu'dji sos dèrindgi. Dji supôse qui Lucien vis-a prév'nou turtos.  
NOTERE : (intrançant en pyjama) Moncheu l'baron voreut bin m'veuye ?  
OSCAR : Awè, notère, dj'a mèsàhe di tes chervices !  
NOTERE : Dji sos a vosse disposition moncheu l'baron !

- OSCAR : Done-mu m'testamin et l'prodjet d'donacion qu'dj'aveus fê po Julien.
- NOTÈRE : Vola les pèces moncheu l'baron !
- OSCAR : Julien, loukes (i los hoye) Vola tot çou qui d'mane di tes espwères. Notêre, assîte-tu ? Dji dicteye mes dienninès novèles voltés.
- NOTÈRE : Dji sos prête.
- OSCAR : Mi, Oscar Tosseu, sêve et bin hêti, etc..etc...ti sé çoula mi qu'mi... désigneve come éritîre di tos mes bins mam'zèle Suzane Petitjean.
- JULIEN : (a part) Tot conte fê, çà n'candge nin grand'tchwè!
- OSCAR : La dsus, dji m'va rispwèser, Twè, mousse-tu, mète mes d'sîrs so papî et ti m'apwètrès tot a signer après avu prémmou mamzèle Petitjean di çou qu'dj'a décidé (i sorteye avou l'notêre).

SINNE XII - LES MINNES, MONS OSCAR ET L'NOTÈRE.

- CURÉ : Dj'ouna veyou assez. Dj'i m'va beûre li café.
- JULIEN : Retânde moncheu l'curé, nos irans d'djuner nos deus à l'couhène.
- CURÉ : Bof ! A pont qu'dj'ennè sos ! (i sortèt).

SINNE XIII - JUSTINE - LUCIEN - REGINE - DESIRE.

- JUSTINE : Pôve mon-n-onk! Totes ces afêres la ni valèt rin por lu.
- LUCIEN : Et po nos-ôtes non pu !
- REGINE : Ci côm chal, nos pierdans vrimint tot !
- DESIRE : Pous-djdju placer on mot ?
- REGINE : Désiré, ni m'né nin co mahî tos les djeus savez !
- DESIRE : Hé la bacèle, i m'sonle qui dji conte ossi mi è l'éritêdge.
- JUSTINE : Il a rêzon èdon Régine. E fond, c'est surtout Désiré et mi qui çoula  
r'garde
- LUCIEN : Mins n'tinrûle, nos n'kwèrans qu'aloukî sos vos intérêtès !
- JUSTINE : Sins roûvî qui nos intérêtès sont ossi les vosses.
- LUCIEN : Dji n'rouveve rin, mins i fât admète qui Désiré et vos-minme n'estez nin fwèrt acâblés par çou qu'arive.
- JUSTINE : Dji creus qu'Désiré et mi, nos tûsans d'abôrd a l'santé da nosse mon-n-onk/Edon Désiré ?
- DESIRE : Come di djusse : Loukîz on pô qué mâlcour si 'l'arivéve ine sakwè à Oscar !
- REGINE : Vos veyez bin qu'vos avez les minnes sintumints qui Lucien et mi.
- DESIRE : Dji n'comprinds nin !
- REGINE : Ca n'mèware nin ! Mins a voste ideye, qu'arivreut-i si mon-n-onk Oscar tournasse li cou ?
- DESIRE : Mins ci sèreut on tèripe doû, ine grande piète!
- REGINE : Ine fwèrt grande piète ! Ine piète incalculâbe ! Vos comprindez !
- DESIRE : Dji n'sèsihe nin fwèrt bin, néni !

- LUCIEN : Enfin Désiré, djé sans foû des dints. Si vosse mon-n-onk morasse, vos n'arîz nin on franc et vos non pu Justine.
- JUSTINE : Mon Dju Lucien, i fâreut qu'dj'aban'nahe mes bonès-cûves. Qu'alans-n' fé ?
- LUCIEN : Ni v'tracassez nin, dji sos la !
- REGINE : Et kwè Désiré, osse clér asteure ?
- DESIRE : Dj'a compris ! Li situâcion est clère : nos avans on problème !
- JUSTINE : I n'dimane pu qu'a trover l'solusion.
- REGINE : I n'a nin mèsahé dè kwèri : ele est tote sôpe
- LUCIEN : Quand 'ne sakî dgin-ne, ou l'suprimeye
- JUSTINE : Vos n'volez nin dire qui .....
- DESIRE : Vos n'alez nin l'supprimer...définitivement ?
- LUCIEN : I n'est nin question d'el supprimer fisiquemint èdon!
- REGINE : Ça n'nos rapwètrens rin d'bon!
- JUSTINE : Kimint alans-'n's fé d'abôrd ?
- REGINE : I sufihe dè fé mâ vouye l'êritîr pas Oscar et...
- LUCIEN : Et adon, bon débaras : pu d'Suzy !
- DESIRE : Ci n'sèrèt nin gheye !
- JUSTINE : Mon-n-onk Oscar lî trouve brâmint des qualités !
- REGINE : Persone n'è-st-a l'leesion. Minne Suzy, l'infirmière idèale fèt des gafes.
- LUCIEN : I fâret tot simplumint d'né on p'tit còp d'pècc a d'dizeûr et Oscar n'è pòrèt pu tant apréoyî si-infirmière.

#### SINNE XIV.-- LES MINNES PWIS LI DOCTEUR.

- DOCTEUR : (intrant) Vola l'grand conseye. Et kwè, oscar fèt co d'ses êrs ?
- JUSTINE : Mon-n-onk Oscar ennè fèt pousse qui ses fwèces et d'dizeûr dè martchi après 'ne contrariété, c'est l'ôte. Ça lî fè brâmint des twèrts.
- DOCTEUR : Portant d'après Loulou, çou qui vint d'arriver sèreut ine rechute. di..
- DESIRE : Di kwè Docteur ?
- DOCTEUR : Ine rechute di...dis'manie. Enfin, vos savez come mi qui l'varon n'a nole mèseure. Et d'après çou qu'dj'a oyous dire, cisse sote nute n'a rin fè po arindgî les afêres.
- DESIRE : Pêve mon-n-onk !
- DOCTEUR : A perpôs vos ~~Et vos molets?~~ Les massèdges vis-ont-i fè dè bin ?
- DESIRE : C'esteut on trêtemint d'choc, docteur. Dji n'sins pu mes molets mins dj'a euno di ces migrinnes !

RÉGINE : Li docteur est la po vosse mon-n-onk! Vinez docteur, v'vas mince à s'tchanbe.

DOCTEUR : Alans-î (i sortèt).

SINNE XV - LUCIEN - JUSTINE - DESIRE.

LUCIEN : Dj'espère qui Régine va sayî dè profiter d'l'ocâzion po nos fé valeûr.

JUSTINE : N'ayîz'nole sogne ! Nosse cuzène sâret s'î prinde.

LUCIEN : Tos ces évènements n'ont droviet l'apétit. Dji m'va d'djuner.

DESIRE : C'est ça. A tot asteure. (Lucien sorteye).

SINNE XVI - JUSTINE - DESIRE.

JUSTINE : Eco bin qu'Lucien e-st-in-ome décidé !

DESIRE : Dècidé ! Oh! mins Régine sèt s'î prinde ossi.

JUSTINE : Av's-ètinde, vos et mi, nos n'sèrîz qui des akseswères!

DESIRE : Dji n'a nin dit ça, mins inte di nos-ôtes, i fât admète qui Lucien et Régine mètèt brâmint dè cour a disfinde nos-intérêts.

JUSTINE : Ca, c'est Djusse!

DESIRE : Dji dirès ce minme qu'i s'ètindèt on n'sâreût ni

JUSTINE : Qui volez-v's dire ?

DESIRE : In' fât nin esse fwèrt malin po s'rinde conte qui Régine et Lucien s'ètindèt come 2 pyotes en guindayo.

JUSTINE : Dji l'aveus bin r'marqué, mins dji n'voléve nin î creûre.

DESIRE : Pôve Justine ! Ine feye qui vos cwitez vos bonès-eûvos, vos-estez tote pierdowe.

JUSTINE : Il ont mutwè tos les deux pârteye loyîe, mins è fond, i travayèt po nos ôtes et s'i rèussihèt...

DESIRE : S'i rèussihèt, i contèt bin avu 'ne bone pârte dè wastè !

JUSTINE : Djustumint. Et po avu 'ne pârte dè wastè, i d'vront rimni magnîcè nosse min !

DESIRE : Kimint ça !

JUSTINE : Mins 'ne feye Suzy désériteye, Oscar n'arèt pu qu'vos et mi come famille, adon ...

DESIRE : Adon Régine et Lucien n'aront qu'les miètes qui nos vôrans bin l's-î d'ner.

JUSTINE : Vola ! Timpe ou târd, Lucien et Régine nos r'vinrans ca c'est nos-ôtes qui tinrans les loyins d'el bouise.

DESIRE : Justine, vos-estez formidâbe ! Mins c'est trisse tot l'minme di d'veûr atch'ter si-amour.

JUSTINE : On n'sâreût tot-avu èdon ! Vinez nos-irans prinde des novèles dè mon-n-onk ( I sortèt)

SINNE XVII - LI CURE PWIS L'DOCTEUR.

- CURE : (vinant foû d'el couhène) Vos m'la co'ne feye bin mâlade !  
Fricasseye, pwis frumadge, c'est djusse li d'djuné qui m'convint.
- DOCTEUR : (intrant) Tins vola l'clergé !
- CURE : Tins, vola l'faculté !
- DOCTEUR : Et kwè, on est n'nou achèver Oscar !
- CURE : Djâsez por vos d'abôrd ! Mi, dji n'a mâye touwé personne !
- DOCTEUR : Vos grîz malaheye avou vos Orémus !
- CURE : C'est vrinmint malin !
- DOCTEUR : Vos arivez todis quand tot est fini !
- CURE : C'est mutwè vreye, mins, mi, dji n'sos nin l'fourniheû.
- DOCTEUR : Qui volez-v's dire ?
- CURE : Vos-êtes, les docteurs, vos-estoz les grands fourniheûs dè paradis.  
Li clergé ni chève qui d'intermédiaire!
- DOCTEUR : Bin vos 'nn'avez dè culot !
- CURE : C'est l'mestî don qui vout ça ! Mi, dji sos covièt par mi Mêsse !
- DOCTEUR : Oh !
- CURE : Et po les réclamâcions di mes clients, dji n'mi ~~tracasse~~ <sup>nin</sup> les vont  
directemint à hayon di d'âzeûr !
- DOCTEUR : Di totes manîres, vos n'ârez nin Oscar ci oêp chal, Ci n'esteut qu'ine  
fâsse alerte.
- CURE : Dji m'onnè dote ! Oscar a 'ne solide carcasse. Mins on djoû ou l'ôte, i  
m'rivinrèt.
- DOCTEUR : Mutwè ! Mins po l'moumint, i conte co profiter lontins d'el veye.
- CURE : Dj'el comprind et d'on costé, dji ~~dis~~ qu'il a rêzon. Mins dji  
trouve qu'i mâque tot l'minme di respèt po l'sacré.
- DOCTEUR : Ni v's-î fyî todis nin trop ! Li baron m'sonle esse...pardonnez-m'  
d'esse ossi plat....ine grande gauye, mins è fond.
- CURE : Docteur, po'ne feye, nos-estans d'acwerd. Oscar brêt fwèrt mins  
'n' freut nin dè mâ à ine mohe.
- DOCTEUR : Bon, dji m'sâve...
- CURE : Ratindez, dji creus qu'i n'a è p'tit sâlon, onk di ces p'tits vins à  
dâner Sint Pire !
- DOCTEUR : Atinsion a çou qu'vos d'hez curé ! Sinon, vos inteurrez è Paradis po  
li p'tite pwète.
- CURE : Il est dit : on pô d'vin mète dè bôme so l'coûr di l'ome.
- DOCTEUR : Et, on a bin esse curé, qu'on n'est nin mons ome po l'câse èdon !
- CURE : Come vos d'hez ! Vinez, alans r'mète d'akwerd li sprontchou et li  
stétoscope divant cisse pitite merveye (i sortèt).

SINNE XVIII - JULIEN PWIS GENNEVIRE.

- JULIEN : (intrans) Qué cōp d'fortchète, nosse curé ! I n'est sûr nin crâ dè vint qui lî sofèle è cou !
- DGENNEVIRE : (intrans) Ah ! vos v'la vos !
- JULIEN : Vos-estez mâle direut-on ?
- DGENNEVIRE : Qué calot ! Moncheu est marié...I m'djowe li comèdeye ....
- JULIEN : Dji n'a nin djowé l'comèdeye....enfin, nin tot à fêt...(a pàrt)  
Ni vindans nin Suzy !
- DGENNEVIRE : Qui volez-v's dire avou ça ?
- JULIEN : A vos, dj'el pout dire, dji sos marié, c'est vreye mins m'mariège ni conte nin .
- DGENNEVIRE : Eksplikez-v's !
- JULIEN : Et bin vola, dji sos marié mins dj'a cwité m'feume. Ele a tofer situ on pwèds por mi !
- DGENNEVIRE : (moquète) Pôve Julien va !
- JULIEN : Dji n'blague nin savez. Mî feume m'a todîs martyrisé. Dji n'aveus rin à dire, dji n'poléve nin fé on dgesse sins-esse critiqué.
- DGENNEVIRE : (tinrûle) Pôve amour !
- JULIEN : Mi-amour ! Ah, si ele m'avasse lomé d'tins-in-tins come ça, dji n'sé çou qu'dj'areus fê por leye.
- DGENNEVIRE : Mutwè pôreus-dj'prinde si plèce à vosse coûr ?
- JULIEN : Mins ....;
- DGENNEVIRE : Awè, c'est décidé. Vos alez esse ureus Julien. Dji vas m'ocuper d'vos.
- JULIEN : Dgennevîre !
- DGENNEVIRE : Dji n'va apruster ! Nos 'nn'irans cessonles (èle sorteyo)

SINNE XIX - JULIEN PWIS LOULOU.

- JULIEN : Ele n'a rin compris ! Vos m'la frisse èdon avou Dgennevîre se les bresses!
- LOULOU : (intrans) Ah ! Vos-estez la vos !
- JULIEN : Wårdez vos'calme èdon Louisse. Dji n'vous nolc équivoque inte di nos deux!
- LOULOU : Wårdez vos équinoxes moncheu Julien. Dj'a bin compris qui vos n'm'innîz nin!
- JULIEN : I n'est nin question d'ça Louisse. Dji v's'inme brâmint mins dji sos marié et...
- LOULOU : Dj'el sé bin asteure, awè.
- JULIEN : Adon, sètchîz 'nnè vos minme les conclûzions.
- LOULOU : Cou qu'dj'areus bin volou sètchî, èdon, mi, c'esteut vosse floket.
- JULIEN : C'e-sr-inc ideye fixe !
- LOULOU : Dji n'è pout rin..Dj'i m'aveus fê des ideyes.



JULIEN : Vos n'alez nin m'ni brognî po on floket ?  
LOULOU : Oh nêni moncheu Julien ! Portant si vos volîz m'cons olez.....  
JULIEN : Qui pous-dje fé por vos Louisse ?  
LOULOU : Et bin si dji mwèséve ....  
JULIE : Dihez todis ....  
LOULOU : Leyîz-m' disfê vosse flokèt ! Mâye qu'ine feye ...  
JULIEN : Vos n'alez nin co rataquer !  
LOULOU : Ine pitite feye....vosse flokèt...dji v's-ennè supleye....  
JULIEN : Bon....come vos vêrez !  
LOULOU : Oh merci (ele li fê<sup>t</sup>)  
JULIEN : Vola, c'est fini asteûre ?  
LOULOU : Awè, èco'ne feye merci. I fâ<sup>t</sup> qu'dji v'rabresse (ele li fê<sup>t</sup>)

SINNE XX - JULIEN - LOULOU - DGENNEVIRE.

DGENNEVIRE : (intrans) Dji sos prête (veyant qu'i rabresse Loulou) Julien !  
JULIEN : Dgennevîre ! Vos m'avez sêsi !  
DGENNEVIRE : C'est cisse bacèle la qui v's-a sêsi.  
 Vos n'avez vrinmint non complekse !  
JULIEN : Mins Dgennevîre, dji consoléve Louisse tot m'fant disnoukî m'floket.  
LOULOU : C'est vreye savez, mâye qui s'floket !  
DGENNEVIRE : Vos, ça suffih' ! Vos n'estez qu'ine pitite mâ-tourneye !  
LOULOU : Mâ-tourneye vos-minme !  
JULIEN : Alans mesd'mwèsèles !  
DGENNEVIRE : ( à Loulou) Tot v's-est bon ! Si vos pinsez qu'dji n'sé rin !  
LOULOU : Qui volez-v's dire ?  
DGENNEVIRE : Cou qu'dji vous dire ? D'abôrd li mon-n-onk....asteure li nèveu....  
LOULOU : Mi qui vout todis rinde chervice !  
DGENNEVIRE : Comme les scouts enfin : 'Todis prête" C'est vosse devîse !  
LOULOU : Djâsez por vos. Vos n'estîz nin d'dî minutes à tchestê qui vos avîz dèdja agripé moncheu Julien !  
JULIEN : (si mêtant inte deus) Est-ce tot asteur ?  
DGENNEVIRE : Pitite wace !  
LOULOU : Coreûse !  
DGENNEVIRE : Cherpîn !  
LOULOU : Alumeuse !  
DGENNEVIRE : Garce !  
LOULOU : Vîle macrale ! (Julien est pris ènte les deus)

SINNE XXI LES MINMES PUS SUZY.

- SUZY : (intrant) Oh! Julien !
- JULIEN : Suzy, ni v'leyîz nin prinde par çou qu'vos veyez ! (i lèt la les 2 feumes qui s'batèt).
- SUZY : Vos n'candgerez don màye ! A ponne a-djèju les rins tournés qui vos rataquez !
- JULIEN : Mins dj'ennè pous rin !
- SUZY : Vos alez co dire qui c'est vos' mon-n-onk qui v's-oblidge!
- JULIEN : Min du tout ! Dji sayîve djusse dè mète l'inte-deus/ Dimandez l's-î!
- SUZY : A kwè bon! Dji n'aveus qu'a loukî. Et pwis ni-m'djâsez pu ! (ele a brêt fwêrt)
- DGENNEVIRE : (alant vès Suzy) Mins po qui v'prindez-v's don vos ?
- LOULOU : C'est vreye a l'fin dè conte !
- DGENNEVIRE : Vos-estez la po sognî l'baron, c'est tot !
- LOULOU : Et èco ! Dji deus v's-êdî !
- SUZY : Nèni mins, a qui contez-v's djâser ?
- DGENNEVIRE : A 'ne èployîre !
- LOULOU : A l'infirmière dè Tonton !
- SUZY : Et bin ni dji va v's-el dire a qui qu'vos djâsez !
- JULIEN : (breyant) Nèni !
- SUZY : (breyant ossi) Sya ! Dj'el va minme brêre so tos les teuts !
- JULIEN : L'éritèdge...tûsez à l'éritèdge !
- SUZY : Dj'enn'a d'keûre di l'éritèdge! Et si Oscar esteut la, dji lî direus ! A lu minme ! Awè là Oscar !

SINNE XXII - LES MINMES PWIS OSCAR.

- OSCAR : (intrant) Oscar vol'la ! Qui lî vout on co ?
- JULIEN : Rin mon-n-onk. Absolumint rin !
- OSCAR : Twè, ti n'a pu a m'adressî l'parole ! Ti t'as trop'moqué d'mi !
- LOULOU : Suzy voléve dire qui.....
- JULIEN : ....Ele ni voléve rin dire !
- DGENNEVIRE : Mins Julien, qu'avez-v's a catchî ?
- OSCAR : I n'a 'ne sakwè qui n'toûne nin rond chal. Qu'avîz-v's a m'dire Suzy ?
- SUZY : Et bin dji.....
- JULIEN : Nèni Suzy! Nèni!
- SUZY - Dji.....dji voléve d'abôrd vis l'merci po tot çou qu'vos avez fê por mi. Mins dj'ennè sos nin dègne. Mi ossi, dj'a trayi vosse confyince... Et pwis, veuye ces deus bacèles la tourniker atou d'Julien.

OSCAR : Ça, dji v'comprinds ! Si Julien n'avesse nin stu marié, coula n'gréut wère d'importance. Mins marié, i deut esse fidèle à s'fèume.  
C'e-st-on bê sintumint qui v's-avez la mi p'tite, mins dji n'veus nin bin çou qui ...

SUZY : Sya djustumint ! Ni v's-avez-v's mâye dimandé qui qu'esteut Madame Julien Tosseu.

OSCAR : Mins c'est vroye ça : Julien, qui est...

SUZY : Ni cwèrez nin pu long ! Madame Julien Tosseu, c'est....c'est....  
c'est mi !

OSCAR : Ci n'est nin possibe surmint ? (i s'assîd)

LOULOU : Pôve Tonton !

OSCAR : Quéle surprîse !

DGENNEVIRE : (a Julien) Mâssi mirtêur !

SUZY : Vola, asteure, dji m'ennè va. Rîprîndez voste éritédge. Dj'esteus m'nowe po trover ine famile, dji n'a voyou qu'intrigues et basesses. Dji n'voléve qui sûre mi-cme et on a volou m'l'atch'ter.  
Nèni, moye feye nèn ! Mâ amour n'a nou prix ! Adié ! (ele sorteye).

SINNE XXIII - LES MIN IFS MONS SUZY.

OSCAR : Vos 'ané la-t-i eune d'istwère ! Et twè grosse biesse qui n'm'avout rin dit !

JULIEN : (mâva) Qui volîz-v's qui dji l'hasse ? Vos k'mandez, on hoûte. Vos n'volez mâye rin étinde. Et voste éritédge ! Bof ! Dji v'el va dire, mon-n-onk, les sens n'atch'tèt nia tot. Suzy a rêzon, cle enn'înèt nin tote seûle. Dj'ennè va avou leye. Adié mon-n-onk ! Dji v's'inmève bin portant....  
(ennè va).

SINNE XXIV - OSCAR - DGENNEVIRE - LOULOU - PWIS L'CURÉ ET DOCTEUR.

OSCAR : Dj'enn'a pierdou les 2 djambes !

CURÉ : (intrant avou l'docteur) Ah Oscar ! vos t'la r'mètou t'ennè fêt eune di tiesse !

OSCAR : Si ti saveus çou qu'dji vins d'aprinde.

CURÉ : T'as-st-avou l'révélâcion !

OSCAR : Dji n'a nin l'coûr a blaguer !

CURÉ : Qui n'a-t-i ?

OSCAR : Julien ....Suzy .....

CURÉ : Awè, et adon ....?

OSCAR : I sont mariés !

CURÉ : I sont mariés .....es.onles ??

- OSCAR : Awè, essonles !
- CURE : Mins c'è-st-a l'ideye ça !
- DOCTEUR : Li p'tite rosse di Julien va ...
- Oscar : Et c'est tot l'èfèt qu'ça't'fêl ?
- CURE : On a voyou pé hin ?
- DGENNEVIRE : Dji m'ennè va...mi plèce n'est pa c al.
- OSCAR : Dji v'comprinds, mam'zèle di Djulém t. di vas d'né des ôrdes po l'vvertûre.
- DOCTEUR : Mins c'est mamzèle Dgennevîre ! Si dj polév mi permète, dji propôserous dè v'rèminar !
- DGENNEVIRE : Vos-estez bin innèbe, mins dji n'sé si dj'pous a'sèpter.
- DOCTEUR : Ci sèrèt on plêfêr par mi.
- DGENNEVIRE : Dj'irès avou vos d'abrd...A r'veye moncheu l'baron !
- OSCAR : Vos r'mètrez m'bondjou a vosse papa.
- DGENNEVIRE : A r'veye moncheu l'curé !
- CURE : C'est ça ! Et vos veurez qui l'docteur e- t-on fin mineû quand i wâde ses dous mins so l'volant, et qu'i n'va nin trop vite.
- DOCTEUR : Dj'a on Sint Cristofe !
- CURE : Dji vous bin mins houte di 60 kms à l'heure si garantie n'djowe pu !
- DOCTEUR : Bon ! Alans-î ! A onk di ces djous Baron. A r'veye moncheu l'curé !
- OSCAR : A r'veye !
- CURE : BON voyèdge (Docteur et Dgennevîre sortèt)

SINNE XXV - CURE - OSCAR - LOULOU.

- CURE : Et vola ! Dgennevîre sèrèt vite conoleye !
- OSCAR : Curé, c'est twè qu'est fou des guides ci còp chal !
- LOULOU : Et mi dj'in'a rin!Et dj'arès bin vite 25 ans !
- CURE : Pryîz mi-èfant, les pryîres nin vont mâye ? bwè !
- LOULOU : Vos avez rèsen moncheu l'curé. Dji va ataqer îne noûvinne a Sinte Catrène (ele sorteye).

SINNE XXIV - OSCAR - CURE - NOTERE.

- NOTERE : (intrant) Moncheu l'baron, vochal vos'testamint. Si vos voles bin l'siner .
- OSCAR : Dinez ! Vola çou qu'dj'ennè fê di m'testamint( el kiheye).
- NOTERE : Moncheu l'baron, ci n'est nin possibe !
- OSCAR : Sya c'est possibe ! Et ti n'as nin co fini notêre !
- CURE : Oscar, qui vas'co fé ?
- OSCAR : On novê testamint surmint !  
Dj'enn'a l'âbitude asteur !

- NOTERE : Li novê testamin sût l'ancyin testamint !
- OSCAR : Assîte-tu notêre. Mi, dji houke çou qui m'dimeure di famille.  
Lucien, ...Régine...Désiré...Justine...
- CURE : Oscar, qu'a-s' co inventé ?
- OSCAR : T'el va vouye. Et kwè Notère, esse prêtè ca mes neveux vont ariver.

SINNE XXVII - LES MINNES + LES 4 NEVEUS.

- OSCAR : (quand i vout ariver les-ôtes) Vinez, vinez mes èfants, dj'a 'ne n'novèle. Tinez, mitez-les a voste ghe et hoûtez bin.  
I esse Notère ?
- NOTERE : Quand vos verez moncheu l'baron !
- OSCAR : Vochal : Mi Oscar Tousseu di Hôtesvègnes...
- CURE : (breyant come on marchand d'gazètes)  
Testamint d'Oscar ! Bienriane èdision !
- OSCAR : Silence curé ! Mi oscar Tousseu di Hôtesvègnes annuleye tos les testamints qui dj'a polou fé et désigneye come écritire di tos mes bins...  
....li prûmîr di mes p'tits nèveux !!
- LES OTES : Hin ???
- OSCAR : -(à Notère) Alè, vas'aridgî coula ?
- NOTERE : Bon Moncheu l'baron (i sorteye).

SINNE XXVIII - LES MINNES MONS L'NOTERE.

- OSCAR : Qu'enne pinsezv's. Nèni, vos n'avez nin mèsahé di miresponde, mi dicizion est sins rècours. (A curé) Vins curé, nos-irans napé l'Cr (i sortèt).

SINNE XXIX - LUCIEN - JUSTINE - DESIRE - REGINE.

- LUCIEN : Tos nos plans n'èrènt chervou a rin. I nos suffineve di rawède. Mins asteure .....
- JUSTINE : (a Désiré) Dji v'l'avous bin dit qu'i vos r'vinrîz !
- DESIRE : C'est vreye. (A régine) Dji n'sos nin baron mins farèt bin qu'madame mi droûve les prêtès di m'tchambe !
- REGINE : Mine mi p'tit ome, vos m'arêz m'è compris. Dji n'vis a djamaye sèré m'tchambe !
- DESIRE : Les bèles-eures qui dj'a perdou !
- REGINE : Nos alans nos r'attraper fifi !
- LUCIEN : (a Justine) I farèt davintèdge vis consacrer a voste èfant qu'a vos bonès-èfves savez !
- JUSTINE : Mins c'est vos èdon m'bone-èfve !
- REGINE : Désiré, nos-alans rintré è nesse mohone èdon. Nos-avans tot plin d'l'ovredge !

DESIRÉ : Li départ e-st-anoncî !  
JUSTINE : Kimint polez-v's djâser insi ?  
LUCIEN : Mins Désiré a rêzon : li coûte ataque.  
REGINE : Et l'drawn n'est ni possible !  
DESIRÉ : Et kwè, qui ratindans-n's ?  
JUSTINE : Kwè qu'il arive, prontans nos dè d'morer d'bon-akwerd!  
LUCIEN : Mins awè...et qui l'meyeu wangne !  
TURTOS : (djondant leus mins) Qui l'meyeu wangne !  
DESIRÉ : Mi dji dis come li baron "olympique" : L'important n'est pas de vaincre mais de participer !

SINNE XXX - LES MINNES ° OSCAR - CURE.

OSCAR : (rintrant avou l'eure). Minint v's-estez co tûdis la ?  
CURE : Oscar, on pô d'décence. C'est d'el provocâcion!  
LUCIEN : Nos mn'alans mon-n-onk ....  
DESIRÉ : Et nos n'rivinrans qui po....  
OSCAR : Dj'a compris. Vos-estez toutes les minnes ! Enfin, bon r'tour et "grand bien vous fasse" !  
JUSTINE : Chér mon-n-onk, à r'veuye édon. Dji prèyèrès por vos !  
OSCAR : Ni pierdez nin trop' di tins à ça et sognîz vos migrinnes !  
DESIRÉ : À r'veuye mon-n-onk !  
OSCAR : Ni nouveye nin dè prise des vitamines ! T'es-st-a cours d'entrônemint !  
REGINE : ...mon-n-onk....  
OSCAR : Ni soyîz' nin trop bruta avou Désiré, il est frâhîle. (A Lucien)  
 Twè, vos t'l'a câsi arivé a tes fins !  
LUCIEN : Qui volez-v's mon-n-onk, i n'a nin des p'tits profits, i n'a qu'des mâvas calculs !  
OSCAR : Ni t'trompe nin todîs ç'cop chal ! (I sont évoys).

SINNE XXXI - CURE - OSCAR .

CURE : T'î a stu d'ine mwinde façon !  
OSCAR : Ça l's-amuserèt en bon moumin t !  
 Mins magré tot c'est malureus à dire, Julien m'va mâquer !  
CURE : Tins, tins..et li p'tite infirmière !  
OSCAR : Dji m'î aveus ataché ossi. Demadge qu'i m'ont minti, dji creus qu'dj'aveus aksepté l' mariage.

SINNE XXXII - LES NIMES + LOULOU

- LOULOU : (intrant avec on 'Hoïse) Moncheu l'baron, vola por vos.  
OSCAR : Qu'est-ce qui c'est ?  
CURE : A prunif c'êp d'ouye, c'e-st-in-êfant !  
OSCAR : Qui volez-v's eul dji fôsse di ça !  
LOULOU : Dji n'sé rin êdon. Ine feume n'a dit à'el nimète à moncheu Tosseu.  
 C'est fê. Mi, dji va continuer m'noûvinte !

SINNE XXXIII - OSCAR - CURE

- OSCAR : Ci c'êp chal, c'est l'boûket !  
CURE : Oscar, dji t'as dèdja brômint pardoné...mins ça !  
OSCAR : Mins enfin curé, qui vas'tûser là !  
CURE : A l'veuye, i n'a nin a tûser ! C'est tot à fêt t'portrêt !  
OSCAR : C'est vreye qui n'revise ! C'ê-st-on vreye Tosseu. Mins curé dji t'djeure  
 qui dji n'î sos pe rin. Dj'êreus minme bin volou qui dj'n'êreus pu  
 polou !  
CURE : Les mystères si sêvêt et n'si ravisèt nin!

SINNE XXXIV - CURE - OSCAR - JULIEN - SUZY

- JULIEN : (intrant avec Suzy) Nos n'nans v'dire ar'veuye divant d'enn'aler !  
SUZY : (qu'a stû d'on c'êp de l'êfant) Oh, di p'tit andge, qui fez-v's la ?  
CURE : Li mystère raclînihe !  
SUZY : (à l'êfant) Kimint ectez-v's erite chal des vos ?  
OSCAR : Ine feume vint d'l'aparter pe moncheu Tosseu !  
SUZY : Oh Julien, nos avîz reûvi qui min'arante d'ivêrt enn'aler ouye !  
 Dji d'vêve dimandé condgi à moncheu l'baron !  
OSCAR : C'est bin hê tot ça mine dji v'êreus bin qu'on m'êksplikasse...  
JULIEN : **Riprindant à dèbut :** A ponne arivé à tchestê, on m'a dit qui  
 v's-estîz mwêrt. On a l'êhou l'testamin et veyant les êrs di mes cuzins,  
 dji n'a nin volou prusunter m'feume. Et pwis, malgré tot, vos m'fé on pê  
 sogne.  
OSCAR : Ça n'mi dit todis nin wice qui t'as rescontré Suzy !  
JULIEN : Quand dj'a 'nn'aler l'dienrienne feye, dj'a rescontré Suzy à l'avion. Nos  
 d'manîz des vyedges djendants, nos avîz l'minme destinâcion, nos avans  
 d'morer en contact à Brêcil. Li camaradereye a fê plèce à l'amêur et nos  
 nos avans mariés i va aveur in-an. Vos veyez l'rêsultat.  
OSCAR : Et m'nêveuse, e-st-el vrimint infirmière ?  
SUZY : Dihans qui dji travayêve divins in ospitâ a l'mission wice qui dj'esteus.  
 Riknochez qui dji n'm'annê hêchêve nin mâ !

- OSCAR : N'espèche, qui vos n'avez minti tos les deus ! Dji n'candge don pu m'testamint !
- JULIEN : (mostrant Suzy et l'èfant) Voia tote mi fortune et dj'a assez !
- OSCAR : (prindant l'èfant) Ti-èfant sèrèt portant brâmint pu ritche qui twè !
- JULIEN : Kimint ça ?
- OSCAR : Tot astourè, dj'a candji m'testamint. C'est m'prumi p'tit nèveu qu'èrèt tot !
- On Hôtesvègnes n'a qu'ine parole !
- CURE : Tss, tss, Oscar !
- OSCAR : Enfin, on Hôtesvègnes n'a câsi qu'ine parole !
- Bon song' ni pout minti ! (Makant l'èfant. ) C'è-st-on valet suremint ?
- JULIEN : Kimint don ! Bon song' ni pout minti !
- OSCAR : Kimint l'lome-t-on ?
- SUZY : Thiery....
- JULIEN : Tossou Thiery, Julien, Oscar !
- OSCAR : Oscar !;;; Thiery, t'es chal è t'mchene : Ti n'ma kwitrès pu. D'akwerd vos deus ? (i s'ont sèus l'èfant).  
(Oscar djowe avou l'èfant) Dji t'è-m'aprinde ès-c' di l'afère !  
Et quand nos n'serans qu'èc deus la, dji t'lomèrès OSCAR !
- CURE : Alé la ! Bon song' ni pout minti !.....

(c'est tot)

---